

DE HVMORVM
PVRGATIONE IN
MORBORVM INITIIS
TENTANDA. BERNARDINO Paterno
Salonensi auctore.

EIVSDEM TRACTATVS, QVOD
cena & berior prandio esse debeat ex antiquorum Me-
dicorum decretis: etiam in catarrho.



BIBLIOTECA NAZ.
ROMA
VITTORIO EMANUELE

SPIRAE
Apud Bernardum Albinum,
M. D. LXXXVII.



DE HUMORVM PURGA-²

TIONE IN MORBORVM INITIIS

tentanda ex Hippocratis & Ga-

leni decretis Bernardino Pa-

terno Salonensi

Authore.



Egrotantium corpora quo morbi tempore purgauerint, duo medicorum lumina, Hippocrates videlicet & Galenus, inter multa, qua in arte medica nequaquam satis adhuc explicata sunt. id mihi omnium perdifficilis, ac penè indissolubilis questionis esse videtur. Quā præstantissimi nostra ætatis medici aliquando explicare aggressi non solum varias ac inter se discrepantes sententias, sed penitus contrarias protulerunt. Quidem enim nec Hippocratem neq. Galenum in morborum principis unquā purgasse (nisi turgerent humores) assueverant. Alij verò contra mediocri quadam purgatione (quam minoratiuam appellant) id eos semper fecisse contendunt. Omnes autē tam enixe, validisq. adeò rationibus partes suas agunt: ut per arduum sit iudicare quinam eorum ad Hippocratis ac Galeni mentem propius acce-

si postposito vnius cuiusq; secta amore, in veritate ipsā recto tramite cedere voluerimus. Quod ego nunc (absit arrogantia) facere aggredior. Nā omisso quocūq; animi affectu, in ipsam veritatē ut in optimum scopum respiciens qua fuerit. Hip. atq; Gal. de proposita quaestione sentētia in lucem proferre decreui. Vobis autem meos hos labores imprimis dicatos volui, ut si quid non ita perfectē elaboratum, aut à recta veritatis via abhorrens per me dictum fuerit, eo animo quæ erga veritatem in vobis semper esse solet, id castigetis. Nō enim talem, ac tātum virū me ipsum profiteor quin in multis me posse decipi credam. Valde enim difficile ut Gal. ait. est, ut qui homo sit, in multis non peccet. Peccare etenim humanū: probi autem viri, iuxta Hesiodi sententiam, est recta monentibus obsequi. Quod me vobis semp facturum polliceor. Verū ut ad rem ipsam deueniamus, quid utraq; secta pro suarum partium defensione afferat ut res ordine quodā clarius explicetur, ante omnia ad examen reuocare opere praeium existimauimus. Multi itaq; & me hercle non spernendi medica artis professores, in omnibus tū diuturnis, tū acutis morbis, & ipsorum quidam nō solum in eorum principiis, sed etiam in incrementis, ac summis

P R I M A

morborum vigoribus mediocri quadam purgatione, qua peccantium in corpore humorum aliqua pars expurgetur, agrotantes semper tentat: idq; ab eis recta ratione fieri atq; iuxta Hip. & Gal. decreta contendunt: ut videlicet parte ea humorum Natura exonerata, residuum melius atq; facilius superare valeat. Aduersus quos grauissimi etiam medici insurgunt: eosq; ut pote ab Hip. ac Gale. mente penitus alienos, atq; ab ipsa veritate prorsus abhorrentes, multis ac validis rationibus oppugnare nituntur. Atque imprimis, inquiunt, quidnam optimis illis vera medicina authoribus magis repugnat, quam istorum decretum? cum prima Aph. parte, multisq; alijs in locis, quos longum esset recensere, & Hip. & Gal. concocta medicamēto purgatorio tentanda non cruda neq; in principijs modò nō turgeant): clarissimè precipiat. Tunc enim (ait Gal. quando scilicet concocti erunt humores) naturam etiam habebimus euacuationi adminiculantem: siquidem videtur, & ipsa post concoctiones humores discernere, & superfluitates expellere: quo tempore sunt iudicationes. Verum si humores turgeant, hoc est, si de membro ad membrum moueantur, suoque motu agrotantem infestent,

tunc purgationis aliqua sese nobis offert indicatio: cum nullo indigeant humores ad exitum paratissimi & ad euacuationem properantes (ut Gale. verbis sexto de vulgaribus morbis utar) nisi purgatorio medicamento, quod veluti manum prabens eos ad aluū ducat: ut quarta Aph. parte idem Gal. nos docuit. Id autem præsertim faciendum est, quando timor adest, ne ij qui per corpus vagantur humores in princeps aliquod membrum decumbant, sauisimumq; in animali morbum causent, quemadmodum eiusdem fuit Gal. sententia quarta Aph. parte, quam ex Antyli decretis Aetius quoque tertio suorum de re medica librorum apertissimè comprobauit. Verùm cum rarò accidat humores turgere taliq; motu moueri: propterea diuinus ille medicorū princeps Hip. prima Aph. parte, rarò in acutorū morborum initiis purganda esse corpora præcipiebat, idq; maxima cum præmeditatione faciendum. Quam sententiam explicans Gale. tam apertè horum decretum confutare videtur, ut mirū sit quomodo ij (sic a qua tibi à Galeno scribantur unquam perspexerint) adhuc in sua opinione sint pertinaces. At enim. Nunc autem quod circa acutorum tantum morborum, principia contingit aliquādo vtiliter pur

PRIMA

gare nos docet Hip. Nam in lōgis morbis
semper oportet expectare cōcoctionem:
in acutis verò cūm turgēt ab initio possu-
mus medicamentis purgātibus vti, & hoc
ipsum cum multa cautione, & præmedi-
tatione facere. *Hæc ille. Ex quibus sanè verbis*
lucē clarius apparet eos valdè decipi: cum Gale.
in diuturnis morbis ante purgationem, expe-
ctandā esse humorum concoctionem expressè as-
serat: in acutorum autem morborum initiis so-
lummodo id concedat, quando humores turgēt.
Quod maxima etiam cum cautione faciendum
est, ut idem Galenus testatur: nempe observata
corporis dispositione, nunquid scilicet paratum
sit ad purgationem an secus. Corpora enim
vbi quilibet purgare vult, oportet fluida
facere. ut secunda Aphorismorum parte Hipp.
scripsit. Corpus verò fluidum reddetur Galeno
in eius sententia expositione teste, meatibus re-
clusis per quos humores attrahi debent, & atte-
nuatis incisq̃, tenacibus, & crassis humoribus.
At boni j, ac præstantissimi medici, non solum
in acutorum sed in diuturnorum etiam morbo-
rum initis, vel quiescentibus humoribus, nul-
lōque modo in motum concitatis, sed membris
impactis, nulla denique corporis preparatione
facta

facta nihilominus corpora purgare non verentur. Illud autem præter omnem rationem facientes. ea agrotantibus inferunt nocumenta, quorum optimus ille senex, quarto de ratione victus in morbis acutis, his verbis meminit. Quicumque autem ea quæ inflāmantur, statim morborum inter initia medicamento solvere conantur: ij ab intensa inflammataque parte nihil adimunt, non enim cedit, obsequiturque quæ adhuc cruda est affectio, Quæ verò morbo aduersa sunt & sana. absumentur contabescuntque. Ducto autem ad imbecillitatem corpore, morbus superior euadit: qui ubi corpus vicerit, remedium non habet. Hanc sententiam eius sectæ fautores aut præterierunt. aut eam ut pote ipsis maxime repugnantem despexere. Si enim ipsi animum adhibuissent proculdubio tam erronea affirmare non perrexissent. Nam Hippocrates in præposita sententia, horum opinionem ferme cōsulso, damnare videtur: qui crudos humores, ac membris impactos purgare non timent. Cum enim humores sint tales, propterea medicamento attrahente non cedunt violentaque fit eorum commotio. Ex hoc autem & membra

PRIMA

tabescere, & virtutis robur dissolui necessum est. Verum non hæc solum, crudos humores purgantes agrotantibus inferunt nocumenta sed illa etiam quæ Galenus quarto de tuenda valetudine hac oratione recensuit. Deiectio enim inquit, in his tormina & rosiones creat, animique deliquia: cum eo quod nec notatu quippiam dignum educitur, quando crudi omnes humores pigri atque ad motum inepti propter crassitudinem frigiditatemque sunt. Quo fit, ut omnes etiam angustas vias obstruant, per quas id quod medicamentum deicit, ferri ad aluum debeat: ob quam causam nec ipsi educentur, & aliis impedimento erunt. id quod sanè Hippocrates illo oraculo præcauit, quo breuissimè præcipit concocta medicamento tentanda esse non cruda. Euitabunt ne unquam hæc incommoda qui partem crudorum humorum membris impactam purgant? Non certè. Quando pars illa quæ educit, tormina, rosiones: & animi deliquia agrotanti offert: pars verò quæ in angustis meatibus firmatur, eos magis obstruit, ceteris est impedimento etiã ne educi possint. Quæ omnia nocumenta y euitarent, si parato prius corpore

corpore ac concoctis humoribus, ad purgationes accederent. Hipp. itaque, & Galeno apertissimè iſ repugnant qui in morborum principis mediocriter ea purgatione (etiam quod humores non urgeant) agrotantium corpora tentanda esse autumant. His non minus inquit, reſclamat arabum medicorum facillimè princeps Auicenna quanto canonis, qui febrium putridarum generalem curationē docens, hæc scripta reliquit, Et cūm administraueris canones prædictos in principio euētus, tūc oportet post illud, vt occuperis in digestionē (sic enim voce non appositā vt opinor, Auicennæ interpretis concoctionem appellauit) & euacuatione, quæ non est secundum temeritatem minorationis, & alleuiationis. At quidnam sunt hi canones, quos in febriū putridarū initiis Auicenna nobis seruari præcipit? Quis? Non aliū profectò, quàm iſ quos ipsemet paulò superius his verbis reſulit. Deinde fac tequi phlebotomiam, solutionem vētris subtilē propriè si fuerit illic siccitas cum illis quæ sunt sicut aqua hordei, & alciracoſt pauco, & aqua hordei cū syrupo acetoso. Et si natura non fuerit lenis, adde in eo quod sit sicut syropus violatus. Et sit vltimas

P R I M A

mitas lenificatio non fluxus ventris, aut solutio laboriosa. Et magis dilectū apud me est vsus clysteris secundum vltimitatem, qua indiget in virtute. *In his remediis quæ ab Auicenna hic referuntur suamne minoratiuam purgationem, quam tamen in putridarum febrium principiis maximè tentandam arbitrantur, ij unquā reperient? Non hercle, cū eam ventris euacuationem solummodo præcipiat, quæ ea expurgari solent, quæ in ventre, & intestinis continentur. Quæ quidem ventris potius lenitio quadam est quàm humorum, qui morbum efficiunt purgatio. Cū itaq; inter ea quæ dicta sunt, minoratiua horum purgatio haud reperiatur, & post eorum rectam administrationem præcipiat Auicenna, nos occupari non debere in aliqua minoratiua euacuatione: propterea iure optimo dicendum est illos ab eius quoq; mente lōgè alienos. Quod quidem vel luce meridiana clarius, paulo inferius his etiam verbis demonstrauit. Si autem non est naturæ possibile expellere illam superfluitatē, nisi post horā, in qua sit præparatio ad expellendum in vrina, tunc similiter oportet vt sciamus, quod arti euacuare humorem ante illam horam in qua apparet digestio*

gestio in vrina est prohibitum, aut laboriosum, malum, & fortasse mouet, & non operatur vltimè, & fortasse permiscet malignum cum bono. Cum itaque & ÿ partem cam humorum crudam expurgare conentur, quam natura rectè operans nūquam expelleret, propterea & purgatio laboriosa sequitur, & sapisimè permixtio mali cum bono. Ab Auicenna igitur decreta penitus sunt alieni. Hoc idem voluisse eundem Auicennam in febris pituitosa periodica curatione certissimum est, dum ait, Et ego non diligo nisi expectationē digestionis. In quibus febribus hi, Auerois auctoritate moti (qua tamen in arte medica non est tanti aestimanda, quantum in philosophia sibi arrogare videtur) purgationem illam potissimum sentandam censent. Quod si fortè antiqua Auicenna interpretationi qua habet. Et ego non diligo expectationem digestionis, maiorem fidem adhibendam esse quam noua dixerint, prater hoc quod coacti erunt fateri Auicennam Hippocr. ac Galeno contradicere, ipsummet sibi ipsi contrarium efficiant: cuius & in locis supra adductis ex capite de cura febrium putridarū in generali, & eodem capite oppositum dicere videatur. Ait enim. Et multotiens quidem conceditur

ceditur euacuatio phlegmatis & humoris crudi in hac hora: sed melius est vt expectetur completum digestiois. *Qua* quidem *Auicenna* sententia eos maximè redarguit, qui in febrium quoque earum augmentis summisq; vigoribus purgare non verètur. *Hip.* itaq; *Gal.* *Auicenna* ceterisq; planè bonis authoribus aduersantur, qui in morborum initio, humores etiam non turgentes purgari audent. At hi, contra validis non minus rationibus partes suas agunt: aliorumq; opinionem utpote falsam, improbare nituntur. Atq; *Hip.* imprimis hi quoq; contra eam adducunt: qui secunda *Aph.* parte minoratiuam purgationem in morborum principiis apertissimè concedit, dicens. Quum morbi inchoant si quid videtur mouendum mone: quum verò consistunt ac vigent, melius est quiescere. Quod *Gal.* hanc sententiam explicans his verbis clarissimè nos docuit. Circa principia verò illorum morborum, in quibus speramus egrotum conualliturum, tentandum est maiora afferre remedia: de quibus *Hip.* dixit, Si quid videtur mouendum moue. Sunt autem hæc maximè venæ sectio, nonnunquam verò & purgatio: quorum neutrum oportet morbo

morbo iam consistente adhibere. Vtenim in libro de crisi- bus manifestaui- mus, concoctiones morborum tunc maximè fiūt. Vt igitur hæc citius eueniant, melius est circa principia euacuare: quo minorem iam factam materiam facilius natura possit concoquere. *Hæc Hippocratis & Galeni uerba nisi quam extorte inquit isti, exponantur, tam expresse humorum minoratiuam purgationem in morborum initijs fieri posse demonstrant, ut mirum sit quomodo ij, qui se solos Hippocratis ac Galeni imitatores profitentur, eam reprobare audeant. Nam hic expresse Galenus, iuxta Hippocratis sententiam, in morborum principijs mediocri quadam purgatione corpus euacuandum esse præcipit, ut paucioribus in eo relictis humoribus eos facilius natura concoquere valeat, id profectò nemo nisi admodum proteruus inficias ire potest. Cur ergo aiunt, nunquam finem calūniandinos, ij faciunt? Si ea quæ Galenus præcipit, atq; ob eandem causam exequimur: si eius sententiam integram, & inuiolatam seruamus, quid nobis molesti semper esse pergunt? Hæc illi. Verum alij iterum in eos insurgunt: Hippocratisq; ac Gal. dictam sententiam contra ipsos, qui eam pro sui*
sutela

P R I M A

tutela adducebant, retorquere nituntur. Considerate inquit, ô optimi viri paulò diligentius Galeni verba. Quod si feceritis, id vobis proculdubio apparebit, quod scilicet tantum abest ut ea contra nos sint, ut potius contra eos, nobis maximè faueant. Quid enim ait? Sunt autem hæc videlicet remedia in morborum principijs idhibenda, maximè quidem vena sectio, nonnunquam verò, & purgatio. O prastantissimi, dua ille dictiones, maximè &, nonnunquam, in oratione posita quidnam aliud significant, quàm naturam sapissimè exonerandam esse sanguinis missione in morborum initiis, rarissimè autem purgationibus? At vos hoc semper facitis. Propterea meritò dicimus vestra decreta à Cal. mente longè aliena: cum id quod ipse rarissimè expedire significauit, vos sapissimè tentetis. Verùm cum hi Gale. sententiam contra eos quoque esse apertè videant, ob ideam iuxta proprium decretum interpretari student. Non omnes tamen eandem loci illius expositionem afferunt, sed quidam Hip. & Gal. eam purgationem in morborum initiis admittere aiunt, quam prima etiam Aphorismorum parte ij concesserunt: dum videlicet turgent humores. Cum autem rarò contingat humores turgere,

prop.

propterea rarò etiam in morborum principijs purgandum. Quod per illam dictionem, nonnunquam, significauit Galenus, rarò indicans purgationes in initijs morborum adhibendas esse, quando scilicet turgent, quod quidem rarò euenit. Alij verò ex huius sectæ autoribus non hæc, sed aliam illius sententiæ approbant expositionem. Quod videlicet Gal. de ea purgatione loquatur, qua illa solummodo qua in ventre continentur educi solent. De qua Auicenna quarto canonis in verbis supra adductis ex capite de cura febrium putridarum in generali locutus est. Non desunt etiam tertij, qui hac expositione reiecta, propter dictionem illam, purgationibus, qua usus est Gal. alias perquirunt. Quod quidem (mea sententiâ) signum euidentius est quod nemo illorum veritatem ipsam propè attingit. Nam veritas vndequaq, sibi viam parat, cumque inuenta est clarissimè elucescit. Verum quantum ij aberrant in sequentibus demonstrabimus. Nunc enim ad Auicennam redeundum est quem minorantium secta precipuum sui decreti defensorem proficetur. Nam is quarta fen. primi canonis de purgationibus tractans, post multa tandem ex Galeni decretis docet in morbis diuturnis concoctionem semper expectandam, priusquam

P R I M A

corpora purgemus: similiter & in acutis, modo humores non turgcant. Quo facto, hac Auicenna Galeni precepta feruè limitans, ait, Et similiter cum non fuerimus securi quod virtus vsque ad maturitatis horam perduret euacuabimus eam postquam nobis cauerimus vt eius grossitiem & subtilitatē sciamus. Ex quibus inquitur y, verbis liquido constat Auicennam huiusce fuisse opinionis: quod scilicet si periculum adsit, ne virtus ita à morbo opprimatur vt nō possit vsq; ad summū eius vigorem durare, tunc purgandū esse etiam quod humores nullo modo turgerēt. Quod longè etiam clarius quarto canonis his verbis ostēdit. Et similiter cum times victoriam humoris magis necessaria cautela est euacuatio. Et si non est digestus non moueas nisi in principio. Iuxta itaque Auicenna precepta crudis existentibus humoribus quāuis non turgcant, purgandum est corpus, vt virtute exonerata melius atq; facilius ea morbo resistat. Hoc in particularium morborum curatione ipse etiammet Auicenna sapissimè obseruauit. Nam (vt ceteros breuitatis causa emittā) quarta canonis in pestilentiū febriū curatione, statim ab earū initiis purgationem precipit hac scribens.

Sum-

Summa curationis earum est alleuiatio & illud cum phlebotomia & solutio ventris, & oportet vt incipiatur in ea ad euacuandum. Si autem materia vincens fuerit sanguinea fiat phlebotomia: & si fuerint alij humores euacuentur. *Illud idem in Alopecia curatione cum obseruasse certissimum est. Nam quarto canonis de ea differens hunc in modum scribit.* Non est dubium quin rectificatio regiminis in ea sit euacuatio illius humoris facientis imprimis. *Et paulò inferius.* Et incipiat prima res cum euacuatiōne corporis imprimis ab humore faciente cum medicinis educentibus ipsum aut cum phlebotomia, si materia exegerit illud. *Quam quidem sententiam à Galeno sumpsit primo de compositione medicamentorum secundum locos, qui de alopetia curatione hac ait.* Quare in istis primū totius corporis purgationem adhibebis aut pharmaco pituitam ducē te exhibito: aut q̄ bilē pallidam, aut nigram trahit, coniectura redundātis humoris ex colore cutis facta. *Ego verò semper per hieram purgaui. Et quae deinceps.* Ex quibus manifestissimè apparet *Auicenna* preceptū ex *Gal.* transumptū esse. Cū itaq; & *Auicēna* &

P R I M A

Galenus conformes in morborū initiis humores minimè iurgētes purgēt, quid prohibet aiūt ū, nos quoq; eorum exemplo, id efficere? His & con-
similibus rationibus, & antiquorū medicorum
authoritatibus seipfos tutari nituntur: qui cru-
dos ac quiescentes humores purgare consueve-
runt. Atq; alterius seclā rationes unica solutio-
ne se diluere putāt: nempe duplicē purgationem
statuētes, unā quidem minoratiuam: (ita enim
eam appellant) qua pars quadam humorum so-
lummodo è corpore ducitur. aliā verò eradica-
tiuā, (sic enim eā vocant) qua tota humorū pra-
uorū moles expurgatur. Harū purgationū prio-
rem ante humorū concoctionem tentari debere
contendunt, postremam verò non. Quam Hip.
& Gal. in locis contra eos per aliam seclā addu-
ctis ante concoctionem humorū prohibuerunt.
Hac sunt boni veritatis cultores, qua ab utraq;
medicorum seclā pro suarū partium defensione
adduci solent. Quam tantā fidem facere videntur
ut merito ancipites reddantur quia aliquan-
do intelligunt: atq; in quam partem inelinent,
pœnitus ignorent. Verū quantum omnes à re-
clā veritatis via aberrant, in sequenti huius o-
peris parte luce clarius ostendemus. Hac enim
pars sufficientem magnitudinem adeptā est.

Neote-

Neotericorum medicorum varias, ac pœnitius inter se discrepantes sententias, de humorum crudorum purgatione, ac rationes quibus propria decreta firmare nituntur, hucusque recensuimus. Nunc autem quantum omnes (eorum pace dictum sit) à veritate sint alieni aperiendum. Quod ut facilius fieri possit, singula dictarum opinionum ad examen reuocemus: à minorantium secta sermonis exordium capientes. Inter eos verò qui huic secta inhaerent, illi mihi maximè reprehensione digni videntur: quod non solum in morborum initijs. sed in eorū quoque in crementis ac summis vigoribus agrotantes purgare non verentur. Aduersus enim hos, primo est Hip. sententia secunda Aphor. parte, qua hunc in modum se habet. Cum morbi inchoant si quid mouendum videtur moue: cùm verò consistunt ac vigent melius est quiescere. Quam explicans Gal. horum opinionem apertissimè his verbis confutauit.

Circa initia verò illorum morborum, in quibus speramus ægrotum conualiturū tentandum est maiora afferre remedia de quibus Hippocrates dixit. Si quid videtur mouendum moue, sunt autem hæc maximè quidem venæ sectio, nonnunquam

S E C V N D A

vero & purgatio. *Quorum nullū oportet morbo iā consistente adhibere. Cū hic Gal. in summis morborum vigoribus & sanguinis missionem & purgationem omnino prohibeat dicens, Quorum nullum oportet morbo iam consistente adhibere, quis per deum immortalem illorum decretum non damnabit? Nemo certē qui frugis sit vir. Eorum autem quæ in eo aphorismo dicta sunt reddens rationem Galenus in libro de optima secta ad Thrasybulum eos non minus redarguit, hoc scribens. Cumque dixit Hippocrates inchoantibus morbis si quid videtur mouendum moue. in summa enim vehementia quietem agere præstat: non à morbi tempore impulsus auxilia interciderit. Non erat enim in morborum initiis facultatem valentem esse: proptereaque remedium applicationi non obstare. Sed in morborum vehementia iam flaccidens remedium agitationem non sustinet. Hæc ille. Ex quibus me hercle clarissimè constat hos ab eius atq; Hippocratis mente penitus alienos. In acutorum quoque morborum incrementis ac summis vigoribus in quibus potissimum ij purgare non verentur Hippo. prima Aphor. parte purgationes interdicare videtur dum ait. In acutis*

acutis passionibus raro & in principiis
medicinis purgantibus uti, & hoc cū præ-
meditatione faciendum. Quod longè cla-
rius Galenus secūdo in primum prorrhē-
tici commentario his verbis nos docuit.
Nullus etenim ita affectos purgare ingre-
ditur, ut dictio ostendit: cū hoc quod pro-
cedente morbo fieri hæc commonstret,
& non circa principia, quando in acutis
solūm purgandi est accusatio. *Quid clarius
contra eos dici aut excogitari potest: Aduersus
illos Auicenna quoque est quarto canonis in fe-
brium putridarum generali curatione, qui (ut
in prima huius operis parte dictum est) præci-
pit postea quæ in febrium initiis sunt adhibēda,
(quæ paulò superius docuerat) nos in alio versari
non debere quam in humorum concoctione,
& purgatione quæ non sit (ut ipse ait) secūdum
semitam minorationis & alienationis. At ij,
trāsactō etiam febrium putridarum principio
nihilominus egrotantes suis minoratiuis pur-
gationibus tentare audent. Accedit ad hoc e-
iusdem Auicennæ sententia eodem capite scri-
pta quæ illius decreti falsitatem apertissimè de-
monstrat. Ait enim. Et similiter si times vi-
ctoriā humoris magis necessaria cautela*

S E C V N D A

est euacuatio. Et si non est digestus nō moueas nisi in principio apud statū verò non moueas aliquid. *Toto itaq; (ut aiunt) cælo y à recta veritatis via aberrant. Eos igitur omit-*
tamus: ac quantopere alij simul cū ijs delinquāt
in principijs morborum crudos & quiescentes
humores purgantes contemplemur. Atqui cum
omnes excretiones per aluum à natura factæ si-
ne concoctionis indicijs, vel nihil conferāt, vel
officiant agrotantibus: quid de ea sperandum
quā isti sua illa minoratiua purgatione tentant?
Quod si illud quispiam ex eis negaret: audiat is
parumper Gal. secundo in primum prorrhæti
comentario id clarissimè asserentem. Nempe
aluus (inquit) in quouis modo profluens
sine quidem concoctionis signis (quæ læ-
pius audiuiisti) nihil iuuat: si verò implaci-
dus operata fuerit præter id quod nihil
iuuat noxam etiam affert. Hoc idem magous
etiam Hip. secunda in primum de vulgaribus
morbis parte his verbis nobis significauit. Præ-
terea quæ violenta erant statim opprime-
bant vel nihil proderant. Quam sententiam
explicat Gal. illud apertissimè affirmat dicens,
Qui procedunt morbi à concoctionis dif-
ficultate & copia crudorum humorum,
nullum

nullum ab excretionibus consequuntur
 emolumentum. *Dixit enim multas violentas
 confestim opprimere vires: at quæ tales non
 sunt nihil iuvare. Hoc idem quarta Aphorif.
 parte, quarto de præfigatione expulsibus, & a-
 lijs plarissq; in locus Gal. voluisse certissimum est.*
*Cum itaq; alui excretiones à natura etiã factæ,
 ante humorum concoctionem aut nihil prosint
 aut ægrotantibus officiant: quid quæso de ea spe-
 randum est, quam isti purgatorio medicamen-
 to procurant? Equidem cum rem ipsam diligenti
 examine perpendo, nihil aliud horum facinus
 mihi videtur quàm naturã irritare: eamq; ut
 ita dicam, cogere ut ante debitum tẽpus ac pra-
 ter occasionem morbum iudicet. Quod Gal. fer-
 me consilio reprehendens tertio de diebus de
 cretorijs hæc scribit. Prævenire autem crisi-
 m ꝑ Hip. πρὸ κρηγυυοῦ θαι (quasi dicas prærum-
 pere) appellare cõsuevit malum est. Nam
 idonea simul cum his quæ lædunt excer-
 nuntur, fitq; hoc natura incitata vel ab ex-
 teriore quodam, vel ab ijs quæ in ipso cor-
 pore detinẽtur. Extrinsecus igitur est me-
 dicus qui parum rectè quid fecerit. *Quid?*
Medicus inquit, qui parum rectè quid fecerit,
*causa quandoq; est naturam incitans ut præter**

S E C V N D A

*occasionem & ante debitum tempus humores
 excernat. At quonam magis ad id excitari po-
 test quàm si purgatorio medicamento eam irri-
 temus? Verùm inquirunt ij, natura parte quadã
 humorũ deonerata, quod supererit facilius vin-
 cet. Facilius vincet? cur non potius id ei accidet
 quod paulò inferius idẽ Gal. scriptum reliquit?
 Considera mihi inquit, tale quid in natu-
 ra accidisse quod hominibus cõtingit qui
 fortioribus quibusdam irritati pro neces-
 sitate impetum faciunt inuaduntque eos,
 & imparati pugnantes superantur. Quin
 etiam onus deponere quis volēs interim,
 vel inuitus cum eo concidit. Et quæ sequun-
 tur. Qua oratione satis apertè eam natura exo-
 nationem quam isti tantopere extollunt dam-
 nare videtur. Nam & ij naturam medicamen-
 to purgatorio irritantes, eam cogunt ut intem-
 pestuè humores excernat. Eam itaq; exonerare
 volentes simul cum onere precipitem dant. Eo
 enim incitata medicamẽto, unã cum prauis bo-
 na etiã externens simul cum onere corruit. Præ-
 terea cum humores quiescunt eos ignorare cer-
 tissimum est, in quam partem inclinationem ha-
 beat ad superiora ne, an ad inferiora? per quam
 igitur partem expurgare pergent? Verũ hoc tan-
 quam*

quã leue pratermittatur, illud certè pratercun-
dum non est, q̃ motu qui in purgatione contin-
git concoctionem impediunt. Nam cum natura
optimè concoquat humores quiescente corpore,
quis unquam dubitare potest eam à concoctio-
ne distrahi, vi purgatorij medicamento commo-
so corpore, ipsaq; ut ita dicam, fracta? Quod a-
nimaduertens Hippocrates quarto de ratione
uictus in morbis acutis hanc sententiã protulit.
corpus quieti permittere, & æqualiter cõ-
tegere oportet. Mulsamq; aquosam, & pti-
sanæ cremorem sorbendum dabis, Ven-
trem ab initio clystere duces: sed medica-
menta purgantia nō admovebis. Nempe
si ventrem moueris vrina non maturabi-
tur: febrisq; citra tuum sudorem tū iudi-
cationem in longius protrahetur tempus.
Hæc Hip. Quorum rationem assignans Galen.
hæc inquit. Præterea & neq; violenter exca-
lescere, neque refrigerare, sed lenire mul-
cereq; quibus maximè indigent quæ con-
coquuntur maturanturq;e. Quod si hæc
humorum concoctioni conferunt, pur-
gationes contrariæ existunt. Nempe cor-
pus vehementer mouentes frangunt. Ta-
li si quidem virtute prædita sunt omnia

S E C V N D A

quæ purgant medicamenta. Hæc est ergo causa, cur purgationes concoctionibus aduersentur. Cum itaq; medicamenta omnia quæ purgant talis sint natura ut corpus vehementer commoueant, & propter hoc concoctioni aduersentur, quis per deum immortalem hos non reprehendet, qui ante humorum concoctionem agrotantium corpora purgationibus tentant: etiam quod y nullo modo moueantur? Certè nemo qui sana sit mentis. Nam ob id & morbos tardius sanari, & quandoq; in salubres reddi distracta natura à concoctione, clarissimum est. Accedit ad hæc contra hos eiusdem Galeni præceptum quarto de ratione vietus in morbis acutis: quod sententiam Hip. dicentem. Quibus principio vrinæ & nebulosæ & crassæ existunt hos annuentibus cæteris purgare oportet: explicans his verbis nobis tradidit. Siue ijs quæ in ante dicta oratione relata sunt hæc coniungit, siue non quod ex ipsis vtile quis habere cōmune potest quod scilicet corporis purgationem prorsus vitare oporteat cum in humoribus adest cruditas manifestauit, inquit, vrinæ tenues, tanquam crassæ concoctionis notas habeant. *Non solum igitur eradicatiua*
purga

purgationes vitanda sunt crudis existentibus humoribus, sed etiam minoratiua ut eorū verbis utar: cū in præposita oratione Gal. prorsus interdicit purgationes, quando in humoribus adest cruditas. Hocque potissimum faciendum quando unā cum humorum cruditate vehemens quoq; febris agrotātes infestat. Quod Hip. in lib. de purgatoriis medicamentis aperitissimè nos docuit, dicens. Quicumq; sanè validis febribus corripiuntur his vsque ad remissionem medicamenta purgatoria, ne dato. Sin id nolis saltem ne citra quartumdecimum diem. Et paulo inferius. Quamobrem purgatoria medicamenta in febribus magnis ne ore sumantur præcipimus. In quare quantopere minorantium secta peccent magis certum est quàm ut probationis ullius egeat. Eos itaque missos facientes utpote ab Hippo. & Gale. pænitus alienos, alterius sectæ decreta ad examen reuocemus. Quid igitur eius authores inquiunt. In morborum initiis nisi turgeant humores nullo modo purgandum esse. At eos à veritate abhorreere imprimis ostendit Hippocratis cōsuetudo in curatione lateris doloris quam secundo de ratione victus in morbis acutis nobis tradit, dicens.

S E C V N D A

Sin autem eas quæ sunt sub septo transuerso partes dolor infestet, nullumq̃ un ad clauiculam signum fecerit ventrem vel nigro veratro vel peplio mollire oportet. *In doloris itaque lateris principio quando dolor ad inferiores costas pertingit purgationem præcipit Hip. Non ergo semper ante corporis purgationem, & eius decretis expectanda est humorum morbum causantium concoctio: sed quandoque etiam q̃ humores non turgeant in morborum principis corpus purgandum. Rem autem ipsam ita se habere Hipp. sententia paulo posterius scripta manifestissimè demonstrat, quæ eiusmodi est. Cæterum veratrum nigrum tum melius tum iuuantius ad iudicationem quam peplium ventrem soluit. Cùm Hip. veratro nigro expurget ut melior sequatur iudicatio, propterea dicendū est eum ante morbi concoctionem purgare: & potissimum cū id in principio lateris doloris faciat. Quod si quis negare non vereatur: respiciat is parum per seriem verborum Hippocratis & id sibi luce clarius constabit, Nam de dolore lateris quando ad clauiculam pertingit prius loquens dicebat: sed siquidem dolor ad clauiculam pertigerit, aut molesta sit vel brachio vel mamme vel*

vel partibus septo trāſuerſo ſuperioribus
grauitas, internam cubiti venam ſecare
expedit, & quæ ſequuntur. *De dolore verò
lateris qui partes infeſtat ſub ſepto tranſuerſo
poſitas, ſermonem habens ita inquit.* Si autem
eas quæ ſub ſepto tranſuerſo ſunt partes
dolor infeſtet nullumque ad clauiculam
ſignum fecerit ventrem, vel nigro vera-
tro, vel peplio mollire oportet. *Diſſio, au-
tem, in poſteriori oratione poſita qua, ut ait Io.
Grammaticus primo de generatione & corrup-
tione, cui etiam conſentit Gale. primo in librū
de fracturis commentario orationem nunquam
omnino incipit: ſed ante diſſis aliis, ſeiungi
cōſuevit) eam ſuperiori cōiungere videtur: cū
itaq; in ſuperiori diſſione præcipiens ſanguinis
miſſionem in dolore lateris faciendam id circa
principia eius affectionis maximè imperet, pro-
pterea merito dicendum eſt Hip quoque in poſte-
riore eodem tempore dolore ad inferiores coſtas
pertingente purgationē præciſiſſe, & ante mor-
bi cōcoſtionem. Quod Gal. etiam in eius ſenten-
tia explanatione ſentire viſus eſt, hæc ſcribens.
Cōſiderare igitur hæc, atq; in memoriā
tenere nos oportet: ſed non perpetuò vti
debemus, ad memoriā reuocātes Aphor.*

S E C U N D A

illum ubi dicitur, in acutis morbis rarò & in principijs purgantibus medicamentis est utendum. Vbi igitur inquit, nō solūm acutus morbus fuerit cuiusmodi est pleuritis, verūm & cum febre vehementissima multò magis vitāda est purgantis medicamenti administratio: atque per sectionem venæ vacuandum magis, etiam si ad Hypochondrium dolor finiatur. *Frustra hic Galenus Hippocratis preceptum (ut ita dicam) limitasset, Aphorismūque adduxisset dicentem, in acutis morbis rarò & in principijs medicinis purgantibus est utendū, nisi Hipp. in lateris doloris principio purgandum praecepisset. Præterea non rectè commutasset purgationem quam Hip. concessit, in sanguinis missione, cū hac post prauorum humorum concoctionem in morbis haud administranda sit, Itaq; dicendum est Gale. eo tempore purgationem præcipere quo Hip. purgandum censet. Illud autem ante cōcoctionem humorum morborum causantium faciendum. Igitur quandoq; etiam purgandum priusquam humores qui morborum sunt causa concoquantur. Quod tamen isti nullo modo tentandum existimāt. At fortè (quod multos eorum facere intelligo) tūc humores turgere cōsēdēt: duplexq;*

duplexq; esse turgentium humorū genus: unum quidem quando huc & illuc per corpus vagantur nullamque sedem determinatam inuadunt: aliud verò quando ū ad unum locum feruntur, qui tamen excretioni idoneus sit. Quod in literis dolore, quādo is ad septem transversum pertingit, potissimum accidit. Non enim tunc humores surgere dicuntur quia huc & illuc incerto motu per corpus ferantur: sed quoniam eorum motus ad locum inclinationem habet: qui excretioni accommodatus est. Hoc multi ex eius secta authoribus pro sui defensione dicere solent, idq; ex eiusdem Galeni verbis confirmare nituntur, quae o Flauo de compositione medicamentorum secundum locos ab eo scripta sunt dum Themisonis hieram exponit. Inquit enim. Concoctis medicandum rectè scripsit Hipp. non crudis neq; per initia nisi turgeant, hoc est, nisi motus ad excretionem irritet. Ecce aiunt ū, quod Gale. surgere humores dicit quando ad locum excretioni accommodatum mouetur. Cū ergo Hipp. eo id morbo respiceret humores ad inferiores costas inclinationem habere: & ex consequenti moueri versus locum excretioni commodum, eaque ratione surgere, propterea tunc purgandum censuit. Hac illi. Sed (eorum pace,)

dixerim ab Hipp. ac Gal. mente eos longè aberrare. Atque imprimis, si id q̃ isti asserunt verum esset iure optimo Gal. foret damnandus qui sententiam eam Hipp. fermè limitās in memoriam reuocauit Aphorismum dicentem. In acutis morbis raro & in principiis medicamentis purgantibus est viuendum. Nam qui sp̃iā meritò dicere posset: ô praestantissime, cum humores turgeant, in lateris dolore (quando is ad septum transuersum pertingit:) quid itaq; prohibet etiam quod morbus sit acutus purgare? Nōne ut tu etiam in Aphor. fateris, quando humores turgent in acutis quoque morbis purgare nobis licet. Quod cum sit: cur itaque sanguinis missionē purgationi praeponis? Praeterea iudicium Galeni destruunt qui talia affirmant cum prima Aphor. parte, & quarta, primo de crisi- bus, sexto de vulgaribus morbis, & ubiq; asserat di- citionem hanc turgere, ab animalibus ad coitum concitatis transumptam esse. Ut exim ea tintilla ta atq; impulsā à vehemēti coitus desiderio, loco stare nesciunt: sed huc & illuc concitata mouentur, ita & humores aliquando in morborum principiis vehemētiore motu ab una parte in aliam feruntur: suōq; transfluxu de uno membro ad aliud agrosantem infestant mouentes

titil-

*titillantes, & quiescere non permittentes: cùm
 & ipsi pariter moucantur & transfluant. Cùm
 itaq; hac sic se habeant, quis unquam recta ali-
 qua ratione dicere poterit, humores, qui ad lo-
 cum expulsionis mouentur, turgere. Nemo cer-
 tè si rectè Gale. dictionis illius etymologiam no-
 uit. At fortè quispiam eorum dicet aliud hoc
 esse turgētium humorum genus. Verùm qua ra-
 tiōne turgentes vocantur? Aut cur Gale. de hoc
 turgentium humorum genere in Aphor. nō me-
 minit? Huius rei causam ullam probabilem ij
 afferre nequeunt, cùm nulla adsit. Illud igitur
 turgere quod isti imaginati sunt, purum est
 eorum figmentum: nec illius unquam meminit
 Gale. Nec id quod adducunt ex octauo de compo-
 sitione medicamentorum secundum locos fidem
 ullam facit, cùm sententiam eam quam pro sua
 opinionis tutela afferunt nullo modo intelligāt.
 Quod ut demonstrare possimus eam repetamus.
 ac ipsam parumper melius contemplemur. Con-
 coctis (ait) medicandum rectè scripsit Hip. Non
 crudis, neque per initia nisi turgeant: hoc
 est, nisi motus ad excretionem irritet. Huc
 usque ut opinor, solummodo ij legerunt, qui asse-
 runt turgentes humores vocari quando mouen-
 tur ad locum excretionis accommodatum: hoc*

S E C V N D A

enim modo exponūt id quod in oratiōe dicitur, nisi motus ad excretionē irritet. At res longē secus se habet, Nā moueri ad excretionē humores dixit, cū turgēt, hoc est, ad euacuationē pperare. Humores turgētes appellātur quādo ad exitū paratissimi sunt, & ad euacuationē properāt ut 6. de vulgaribus morbis testatur Gal. Verūm & si tales sunt non tamen mouentur ad sedem determinatam qua externi cōmodē possint, sed huc & illuc quarentes viam per quam excernantur, per corpus feruntur: nequeunte scilicet natura ob eorum prauitatem & molestiam quam ei inferunt, dirigere illos ad loca excretioni accommodata. Et propterea post dictam orationē statim subdebat Gale. Et nondum vllam habet motus scilicet ad vnā partem inclinatio nem firmam. stationemq;. Quomodo igitur humores moti ad locum expulsionis turgentes dici possint si turgentes humores non mouentur ad sedem determinatam? nisi fortē dictionem, & pro, aut. Galenum sumpsisse dicant: ut de duplici eo turgētium humorum genere locutus sit. Quod quā rectum, quāq; consuetudini scribendi Galeni cōueniat vnusquisque vel modicē in eius libris versatus facillimē cognosceret. Ad hac dum dolor lateris ad iugulum pertingit, cū

humo-

humores moueantur versus os (locum sanè excretioni valde accommodatum) cur itaque turgentes non appellabuntur? Quod quidem lègè probabilius diceretur, cum maior sit affinitas inter costas superiores & os, quàm inter inferiores & intestina? Aut si & i turgent, quam igitur ob rem Hipp. per superiora non purgat? Sed ne cōtentiosè cum eis rem agere velle videamur, ipsis parumper condonemus, eos etiam humores turgentes appellari, qui ad loca excretioni accommodata mouentur. Quid tū? Erunt ne propterea humores ad inferiore. costas lati turgentes? Quis enim quaso est hic locus expulsionis, ad quē verè eos tunc moueri dicere videamus? Nūquid intestina? cum Hipp. per aluum purget. Verum cum inter costas inferiores & intestina ea non sit affinitas, ut humores qui ad membranam costas succingentem è venis confluunt, dici possint ad intestina ut ad loca expulsionis accommodata ferri: propterea neq; illud eos unquam dicturos existimo. Quippe qui non ignorant per maximam ac longissimam viam, qua pectus infestant ad aluum ferri: eaq; plurimam, per pulmonem tussi excerni. Humores igitur in lateris dolore, qui ad septum transversum pertingit, ad locum expulsionis idoneum non mouentur.

beamus ac 3. post die soluamus: & rursus deligemus. *Quod Gal paulo inferius, in alterius sententia expositione, sermè explicans ait.* Non supurata autè sanguis cum inflàmatio magna seperuenit aut ex prauitate delegationis, aut ex humorum malignitate, & multitudine, quam ipse quidem exinani- tione per medicamèta, nos sanguinis mis- sione emendamus. *Hip. igitur ut sanguis ex- tra venas in partibus calci adiacentibus colle- ctus, melius suppuret: eo tempore purgare con- suevit, quo Gal. sanguinem mittebat: ante itaq; morbi concoctionem.* Hoc idem quarto de arti- culis eundem Hip. fecisse comperimus. Nam præ- cipiens, ne tibia ossa luxata, cum exterius appa- rent reponantur: atque eius præcepti causam ex- ponens tandem post multa hac autem inquit. Sed neque veratrū mihi videtur & eodem die exhibitum & rursus epotum præsidio futurum. *Hæc certè frustra ab Hipp. dicta fuif- sent, nisi ipse credidisset veratrum nisi ossa re- posita sint, eodem die epotum, pro futurum.* In morborum ergo principiis quandoque purgavit Hippo. etiam quod humores non turgerent, nec ad locum excretioni accommodatum impleren- tur. *Quod in libro quoque de ulceribus illum fe-*

reulsionem, quæ sequitur corporis euacuationē
& ut repellentibus medicamentis fluentes hu-
mores magis consentiant. At hæc non nisi in an-
gina principio tentanda sunt, ut ipsemet ubiq;
testatur, & non postquam morbus concoctus est:
igitur ante morbi concoctionem in angina pur-
gare corpus non licebit. Quod quidem 6. etiam
de compositione medicamentorum secundum lo-
cos his verbis repetit. Verum nunc adeò ni-
hil opus habemus eiusmodi determina-
tionibus. Sic enim nos ubi ad memoriam
reuocauerimus quomodo totum corpus
præparare ad curationem affectuum circa
quamcunq; partem consistentium oport-
eat, ad institutū progrediemur. Etenim
venæ sectione utimur & purgatione, &
clysteribus, & inedia, ubi totum corpus
apparuerit aut multitudine humorum re-
fertum, aut eorundem malitia vitiatum.
Si verò neutrum eorum adsit, statim ad cu-
rationem per remedia localia peruenie-
mus. Ante itaq; repellentium medicamento-
rum adhibitionem, hic quoque Gal. purgandum
præcipit. Hæc autem non nisi ante morbi conco-
ctionem inflammata parti applicari debent, igi-
tur priusquam cōcoctus sit morbus (etiam quod

S E C V N D A

humores nullo modo turgeant) corpus purgare nobis concessum est. Quod tamen isti omnino negant. Hemicranea etiam curationem secundo eiusdem libri docens Gale. ante localium (ut ita dicam) medicamentorum administrationem, aut purgationem, aut sanguinis missionem tentare videtur. Quapropter (inquit) ubi quit hæmicraneam curare aggreditur, prius quali purgatione aut sanguinis missione æger opus habeat consideret, priusquam scilicet localia medicamenta capiti applicet : ut ex sequentibus verbis clarissimum est. Hoc idem quarto etiam illius libri, in curandis fluxionibus qua oculos infestant Galenum voluisse satis constat. Verum sexto, remedia Archigenis ad inflammatos gurguliones referens, tam apertè id asserit ut nemo ulterius hac de re dubitare queat. Quid enim ait? Eis vero qui suffocantur picem & nitrum cum aqua in potu præbe : non possum mihi persuadere qua ratione sit dictum. Imò neq; ex præceptoribus aliquam, neque alium vllum eo utentem vidi, neq; etiam ipse in usum sumere tentavi. At verò venam secare his qui suffocantur, & eluere forti, atq; acri clysteri, & purgatoria exhibere gratia

tia euacuandi vniuersum corpus, & transferendi infra humorum momentum, qui ad affectas partes feruntur, rationabile est & multa experientia iudicatum, & cognitum. *Purgat hic Gal. non solum euacuandi corporis gratia, sed etiam renellandi. Quod quidem concoctis humoribus in inflammatione contentis minimè expedit. In libro quoque de atra bile idem Gal. horum decreto maximè aduersatur, hæc inquit. Cæterū de atra bile quæ longa experientia mihi certè cognita comperit; sunt, nunc addam: sanè pro futura iis qui medicinæ arti nō lophisticis sermonibus, sed operibus student. Omnes enim quotquot ex melancholico humore fiunt affectus statim inter initia strenuè purgans. crescere prohibebis, vel vsq; ad cancers. Quid clarius contra hos dici aut excogitari potest? Cū id quod isti tam audacter damnant Galenus apertissimè laudat? Sed quid in his diutius moror, cū Gal. 13. methodi medendi in inflammationibus quæ adhuc fiunt clarissimè purgationem concedat. Siquidem (ait) iam febriciter æger, nec excercitatione euacuatione euacuare exuperantiam licet, nec vnctione quæ excalefaciat, sed nec*

multa frictione, nec balneo, sed sanguinis missione vnà cum inedia, vel purgatione aliqua. *Quod in oculorum inflammationibus se obseruasse paulò inferius testatur, hac scribēs.* Si quidem ex his quibus oculi tentari inflammatione cœperant: nonnullos sola purgatione per aluum vno die sanatos vidisti. *Ecce quàm apertè hic Galenus in principis inflammationum se quandoque purgasse testatur. Hoc idem in erysipelatis curatione eum fecisse, quæ ab illo 14. eiusdem libri scribuntur, clarissimè demonstrat. Inquit enim.* At quoniam erysipelas non quantitate modo affligit, sed etiam ex vehementi incensione qualitate ipsa cruciat, ampliorem refrigerationem quàm inflammationis requirit. Nec tamen non periculosa toti corpori est hæc euacuatio, propterea quod bilis interim ad aliquod princeps membrorum fertur. Quippe cùm si vel sanguis imple abundet, haud tutum sit ex minoris notæ membris fluxionem eius repellere. Tanquam igitur in illa post totius corporis euacuationem repellentibus auxiliis vsi sumus, ita nūc quoque faciemus. Sed pro sanguinis missione medicamento quod bilem tra-

hat

har purgantes. Eo itaq; tempore purgant. Gal.
in erysipelatis curatione, quo sanguinem mitte-
bat in inflammationibus: ante videlicet repe-
lentium medicamentorum vsum: igitur prius-
quam morbus concoqueretur. Quod etiam in
herpete militari ibidem eum fecisse comperimus
plurimisq; alijs in locis. Quæ cum ita se habeant,
ut ostensum est, propterea hanc etiam sectam ab
Hip. ac Galeni mente longè alienam iudicandum
est. Dua itaq; præposita sanctæ ab ipsa veritate
pænitus deuiat. aduersus quas multa etiam a-
lia, quæ pleniorẽ fidem facerent adduci pos-
sent, sed ea quæ adducta sunt sufficere arbitror,
ad earum falsitatem ostendendum. In sequen-
tibus enim nostram opinionem exponentes
adhuc clarius harum errores detegemus:
propterea ne pars hac longior
quàm iustum sit, reddatur,
& finem imponentes
ad tertium acce-
damus.



Cum proposita quaestio, vera (ut opinor) ratione explicari nequeat, nisi prius diligenti examine perpensum fuerit: quidnam sit prauorum humorum concoctio, propterea opere prae-tium facturum me existimaui, si priusquam eius dissolutionem aggrederer, id ex Hip. quoque, ac Galeni decretis, explicare niterer. Verum quoniam negotium hoc, non minus medicos huius aetatis turbauit, quam id quod primum à nobis intentum est, ob id in hoc etiam absoluendo (ut in utrisque eundem ordinem seruarem) ab aliorum decretis exordiri decreui: atque quantum omnes aberrant, pariter demonstrare. Quidam itaque & certè non vulgares medici, prauorum humorum concoctionem nihil aliud arbitrantur esse, quam crassorum ac tenacium incisionem attenuationemque: tenuium verò incrassationem. Atque ex his nonnulli, non solum ante purgationem crassorum & tenacium humorum, eos incidendos & attenuandos existimant, sed etiam tenues priusquam purgentur, incrassandos esse. Verum hi omnes ab Hip. & Galeni mente longè aberrant: & imprimis ij, qui tenues humores ante purgationem incrassandos censent. Nam ipsis primum aduersantur Hippocratis sententia, secunda Aphorismorum parte quae talis est.

Cor-

Corporacum quispiam purgare voluerit oportet fluida facere. *At quonammodo corpus fluidum fit? Eo sanè quem Galenus sententiam illam exponens, his verbis nos docuit.* Ego verò Hip. puto non minimum id, sed aliquod maius hoc in loco nos docere voluisse: quod nos longa experientia didicimus ita se habere. Si quis enim extenuet & incidat crassos atque tenaces humores qui in corpore sunt, & meatus aperiat, per quos isti transmittuntur. atque attrahuntur à medicamentis quæ vim purgatoriam habent, tunc purgatio in omnibus rectè procedit. *Fluidum itaque corpus redditur, incisus & attenuatus crassus ac tenacibus humoribus, & meatibus reaseratis, per quos humores educi debent.* Quod paulò inferius idem Galenus, longè clarius his etià verbis demonstravit. Siue (enim ait) per vomitum, siue per alui subductionem purgare velis postquàm corpus fluidum effecerit, ita demum optimè purgabis. Erit autè fluidum vt diximus, omnibus meatibus reaseratis, & humoribus incisus & extenuatus, si quis fuerit humor in corpore crassus & etià glutinosus. *Cùm igitur hac*

T E R T I A

sic se habeant, ut ostensum est: qua ratione moti
 praestantissimi alioquin medici, tenues humo-
 res ante eorum purgationem incrassandos pu-
 rant, planè nesciò. An ignorant ab incrassan-
 tibus medicamentis, & meatus magis claudi,
 & humores minus obsequentes purgatoriis me-
 dicamentis reddi? Quanto enim humores tes-
 tuiiores, tantò melius attractiōi eorum medi-
 camentorum cedere solent. Et propterea Galen.
 cui etiam Aetius ex Antyli sententia consen-
 sire videtur, in libro cuius inscriptio est. Quos
 quibusve medicamentis, & quando purgare
 conueniat: de crassorum ac tenuium humorum
 purgatione hoc precipit. Inter morborum
 (inquit) initia serolos & tenues humores
 euacuabis: vbi crassi & tenaces fuerint
 quales suapte natura pituita est & attra-
 bilis concoctionem expectabis. Hipp. itaq; &
 Gale. apertissimè repugnant, qui tenues humo-
 res ante eorum purgationem incrassandos exi-
 stimant. Ob id alij, qui rem ipsam maturius cō-
 siderauerunt: & si cum eis cōueniunt, quod pra-
 uorum humorum cōcoctio sit tenacium ac cras-
 sorum incisio & attenuatio: tenuium verò in-
 crassatio, ab illis tamen in hoc dissentiant, quod
 videlicet hi, ante tenuium humorem purgatio-
 nem

mem, eos haudquaquam incrassandos censent, sed id solummodo tentandum existimant, quādo natura praesto esse volumus, ut per latos meatus, & potissimum per tracheam arteriam tennes humores expellere possit. Quod quidem in tenui catarrho maximè usu venit, ut ex Gale-
no 3. in sextum de vulgaribus morbis commen-
sario satis constat. Tunc enim tenuiū humorum incrassatio procurari debet. Tentāda etiam ni-
mirum est, quando unā cum febre adsunt ani-
mi reliquia ob humorum magnam tenuitatem,
quemadmodum ipse quoq; Gal. 12. methodi me-
dendi fecisse videtur. Sed hi etiam, unā cū prio-
ribus ab ipsa veritate longè aberrant. Atq; im-
primis in eo peccant, quod nullam statuunt dif-
ferentiam inter humorum cōcoctionem, & eo-
rum preparationem, ut bene concoqui possint.
Nam & si crassi ac tennes humores attenuatio-
nis incisionisq; egent ut melius concoquantur,
tenues verò incrassationis, hac tamē longè dif-
ferunt à concoctionis (ut ita dicam) essentia, &
quiditate: ut idē Gal. in lib. de constitutione ar-
tis medica his verbis nobis significauit. Quod
in naturalem statum redire potest cōtra-
riis alterare oportet, crassum & viscosum
attenuando, tenue incrassando, & com-

T E R T I A

muniter vtraque concoquendo. Id ipsa quoque rei natura ostendit. Nam cum & bonorum & prauorum humorum concoctio sit natura opus, (ut infra luce clarius demonstrabimus) attenuatio autem, & incrassatio humorum ab extrinsecis quoque causis fieri possit: quis itaque concoctionem humorum bonorum & prauorum humorum concoctio enim natura opus ab eorum attenuatione, incisione, & incrassatione non se iunget? Nemo certe. Sed hoc tanquam leue peccatum omittamus. Illud verò praterendum non est, quod videlicet credūt tenacium ac crassorum humorum incisionem & attenuationem, eorum esse concoctionem: cum contra potius dicendum sit, nempe concoctionē incrassando procedere, & quæ concoquuntur temporis processu lentorem quandam acquirere. Quod summus peripateticorum Aristotelis 4. meteorologicorum tam aperte demonstrauit ut id nullus qui sanè sit rationis inficiari possit. Inquit enim. Necessè autem quæ concoquuntur crassiora & calidiora esse. Tale enim afficit calidum melioris molis crassus & siccus. At (inquiunt ij) veram esse Aristotelis sententiam in bonorum succorum concoctione, & in iuuatiuo (ut eorum verbis utar) non autem

tem in nocuo, & in prauis humoribus, de quibus nunc est sermo. Sed qui talia asserunt ab Aristotelis mente prorsus aberrant. Nam paulo superius terminum concoctionis nos docent hæc ait. His autem in subiectam quandam formam finis est concoctionis: cum tale fuerit factum, & tantum humidum, aut assationem, aut elixationem passum, aut putrefactum, aut aliter quodammodo calefactum, tunc enim vtile est, & concoctum esse diximus: sicut mustum, & quæ in tuberculis constat, cum factum fuerit pus, & lachryma cum facta fuerit lippitudo, similiter autem & alia. Accidit autem hoc pati omnibus cum vincatur materia, & humiditas. Hæc enim est quæ terminatur, ab ea quæ in natura, qualiditate. Quamdiu enim insit in ipsa ratio, natura hæc est. Propter quod & sanitatis signa quæ talia, & vrinæ & secessiones & totaliter superfluitates. Et dicuntur concocta, quia insinuant caliditatem propriam, obtinere humidam. Hæc ille. Ex quibus luce clarius apparet ipsum non solum loqui de concoctione bonorum, sed etiam prauorum succorum, & superfluitatum quæ à corpore animalium feruntur, Accedit

tenues ex iis defluunt: inde pauciores & crassiores: postea iam pus tenue: postres mò minus quidem copia, sed crassius & album magis redditur. *Quæ itaq; concoquuntur etiam quod nocua sint crassiora redduntur. Quid paulo inferius in lippitudinibus quoque fieri demonstrat. Inquit enim.* Sic etiam in lippitudine, principio quidem copiosus humor, tenuis & incoctus plurimū defluit, deinde paucior crassiorq; notam quandā concoctionis accipiens: postea temporis processu copia decrescante: consistentia verò ad crassitiem spectante, adeò concoctionis signa augentur, vt etiam palpebræ dormientium conglutinentur. *De burnoribus quoq; è capite delatis ibidem hæc scribit.* Concoctionis notæ iā sunt crassior & minus acris & modicus humor descendens. *Sed quid multis moror, cum Falen. 2. in prognostica Hip. commentario id manifestissimè in omnibus fermè humoribus, & excrementis asserat, hæc scribens.* At concoctio non solū crassiorem reddit vrinam sed etiam deiectionem quoties bene in ventre concoquatur, & secretionem in pulmonia, & costali, atque etiam pituitam per destilla-

ri concoctione non omnis cibi aut bonorum succorum pars qualitatem eam recipit. sed ea solummodo quæ in animalis substantiam transmutari potest. pariformiter in pravorum humorum concoctione non tota eorum substantia apta redditur. ut nutrire possit, sed solum pars bona quæ parti prava admista reperitur. Pravis enim humoribus (iys nempe qui concoctionem aliquam admittunt) semper aliquid boni inest, ut Galen. 1. Aphor. parte, & primo de vulgari-
bus morbis testari videtur. Huius partis ratione, pravi humores concoqui dicuntur: sicut etiã boni & cibaria, non autem ratione partis prava: quemadmodum neque illa ratione excrementorum, quæ ab ipsis seiunguntur, nisi improprie & latiore concoctionis significatione concocta appellantur, quia scilicet à parte bona, perfecte concocta seiunguntur, ac indicia certissima sunt quod natura actio circa partem bonam recte processit. Quod Aristoteles quoque 4. meteorologicorum sentire visus est, dum ait. Propter quod & sanitatis signa quæ talia, & vrinæ & seccefiones, & totaliter superfluitates. Et dicuntur concocta quoniam manifestant caliditatem propriam humidum vincere. Verum tamen si concoctiones has in his quæ dicta

T E R T I A.

sunt conuenire hi existimant, in nōnullis tamen eas etiam differre censent. Atque imprimis in efficiente causa, cū putent bonorum succorum, & ciborum concoctionem à calore naturali puro, ac sincero fieri, prauorum verò humorum, à calore medio inter naturalem & prater naturam: qui tamen ut naturalis vincit, humoresq; transmutat. Vnde (ut in re signata magis versemur. aiunt isti) in inflammationibus naturalis calor sincerus non seruetur, sed à natura propria quodammodo degenerat, atq; in ignem cōuertitur. Is itaque cū mistus sit ex calore naturali, & prater naturam, & utriusque particeps, propterea mistam quoque actionem efficere necessum est. Si itaque ut naturalis vincat, tūc cōcoctio rectē procedet: & humores in parte inflammata existentes transmutabuntur in pus album, equale, & minimum malè olēs. Si verò ut prater naturam is dominetur, tūc humores illi corrumpentur: ac quanto magis praualebit tanto crudiores reddentur: & tūc pus albū non generabitur, sed cruentum potius, inaequale, & fætidum. Hoc decretum (ut opinor) ex Auenzoaris non spernendi sanè authoris sententia, hi sumpserunt primo theisr. Differunt etiam hæ concoctiones (inquiunt) in alio. Nam in prioribus

bus totum id quod alteratur, aut saltem ipsius maior pars in substantiam alti transmutatur, & modicum superest excrementum: in nouissima verò contrà, modicum est quod alit & multum excrementum. Cui rei ipse quoq; Gal. assensire videtur 2. in primum de vulgaribus morbis commentario, hac de humorum concoctione scribens. Morbi enim concoctio maturatio quædam est eorum quæ præter naturam. Ipsa autem maturatio deductio quædã est ius quod concoquitur in concoquentis substantiam. Ergo vbi corpus bene habet, cumq; ei quod concoquitur naturæ intercedit familiaritas cum concoquente mutatio fit, & alteratio totius concoquendæ materiæ, aut maximæ partis eius: minimūq; superat semicocti. At verò quando præternaturam affecta sunt (quod accidit quando fuerint à natura transmutantis & alterantis aliena) id quod assimilatur paucum est, semicoctū verò excrementum multum. Et quæ deinceps. Ex quibus videtur Gale. horū decretum fermè statuere Sed hi etiam ab Hipp. & Gal. mente longè sunt alieni. Atq; imprimis id quod de mixto illo calore ex naturali & præternaturam asserunt, Gale. manifestissimè repugnat,

T E R T I A

qui morborum concoctiones calori naturali, ipsius natura semper attribuit: qua aut idem est cum eo calore (iuxta Hippocratem) aut saltem vis quadam qua ipso tanquam proprio instrumento, pro functionibus suis obeundis utitur. Rem verò ita se habere ut dictum est apertissime Gal. demonstrat: qui secundo in librum Hippocratis de fracturis commentario hunc in modum scribit. Sed hæc quidem exuccatis & iugillatis gravissima contingere non possunt, si à natura superatus sanguis muretur: sicut fit in inflammationibus, quæ ad maturitatem perueniunt: siquæ in pus convertatur. Ut autem natura quæ in partibus sita est sanguini dominetur, duobus his studendum est: alteri ne inflammatione laborent partes (quod quomodo fiat superius diximus) alteri ut interfusus sanguis discutiatur atque elidatur. Quod paulò inferius, his etiam verbis confirmare videtur. Si autem (inquit) neque ruborem, neque nigritudinem habeant, suppurare manifestum est. Rubor enim inflammationem indicat, nigritudo à natura neque suppurari neque concoqui, sed sanguinem in coagulationem abiisse. Quod si etiam

extra

extra corpus effusus fuerit, immoranti cōtingit. Sed extra tamen nūquam amplius suppurat, in corpore si valida sit natura in pus conuertitur. *Ex his Gal. sententiis, quantum hi aberrant qui medium calorem inter naturalem & præter naturam concoctionis prauorum humorum efficientem causam statuunt satis patere arbitror cum is nec natura sit, nec ipsius instrumentum, à qua tamen concoctiones prauorum humorum fieri dicebat Galen. in præpositis sententiis. Verum horum defectum longè clarius idem Galenus ostendit secundo in primam de vulgaribus morbis commentario, in secunda tempestatis enarratione hac inquit.* At crudæ erant & longo tēpore durabant: tum propter humiditatem, tum frigus: siquidem maturationem fluxiones cum ab infuso calore superantur, concoquuntur. *Et paulo inferius dum ait.* Iam verò naturalis animantium calor si sit validior humores earum celerius concoquit: sin imbecillior vix longiore interuallo superior euadit, & vincere humores valet. Accedūt ad hæc eiusdem Galeni verba primo in 3. de vulgaribus morbis commentario quæ id manifestissimè cōprobant. Sunt autem ea

T E R T I A

huiusmodi. Nam cū generatur (inquit) pus dolores fiunt & febres quod natiuus calor humores tumoris authores immutet. *Alia sexenta (ut ita dicā) adducere possem Galeni loca quibus id probaretur, tum ex libris methodi medendi, tum ex aphorismis, alijsq; eius libris. Sed quoniam ea que dicta sunt satis propositum commonstrāt, propterea breuitatis causa ea omitto. Verum cū dolor innatus in spiribus, sanguine, & membris solidis (Hep. aucthore) consistat, à quonam horum prauis humores concocantur, nos Gal docuit secundo in primum de vulgaribus morbis commentario, hac inq̃uens. Etenim protensa est per solida corpora natura, quę est illorum virtus: cōcoctionemquę à solidis corporibus sanis, humores consequuntur. A solidorum igitur membrorum insito calido prauos humores cōcoquantur. Oportet tamen prater hoc ut spiritus etiam ad vnguē caliditate symestri seruetur, ut Galenus quinto de simplicium medicamentorum facultatibus apertissimē voluit. Sed quis non immeritō quaret, cum in febribus putridis maximē, calor innatus in igneum cōuertatur (ut sapissimē dixit Gal.) quomodo itaque in his morbis dicere poterimus ab innato calore puro*

pro & sincero prauos humores concoqui? Huc
quaestioni respondendum est, quod & si in his fe-
bribus calor naturalis humorum transmuta-
tus est in igneum, cum iam calefacti sunt & ac-
censi: membrorum tamen solidorum calor ille-
sus seruetur: quando scilicet membra solida non
fuerint calefacta & accēsa, sed solum incalēscāt.
Nam aliud est membra incalēscere & incaluisse,
ut tertio de praesagatione ex pulsibus notat Gal.
sicut etiam est aliud ligna calefieri ab igne & ab
eo accendi ut idem, octauo methodi, medendi
nobis significauit. Quamuis itaq; in febribus pu-
tridis syncerus membra solida incalēscere dici-
mus ab ignea humorum caliditate: non tamen
propterea eorum calor in igneum conuertitur.
Sic autem ea posse humores cōquerere quid pro-
hibet? cū adhuc proprium calorem seruent.
Quod si hac etiam accendantur, eorumq; calor
in igneum conuertatur, tunc non amplius cōco-
quere possunt: nisi prius in propriam symetriad
reuertantur. Non enim tunc febris putris sync-
ra est sed hectica coniuncta. Quod Gale. secundo
in primum de vulgaribus morbis commentario
post adductam sententiam his verbis significa-
uit. Nam (inquit) si hæc ipsa, membra scili-
cet solida, ægrotant, in habitu iam hic est
morbus:

T E R T I A

morbis: ac nonnullos in extremum adducit discrimen. Curari autem prius nequit quàm suam virtutem solida ipsa recuperauerint corpora, quæ in symetria posita est calidi, frigidi, humidi & sicci. Ex quibus mehercule verbis illud etiam adnotare debemus: quod gra-
uiter peccant qui putridam febrem priusquam beëticam (quando duæ hæc febres cõiunctæ sunt) curare tentant: cùm putrescentes humores concoqui nequeant antequàm à solidis membris praua illa caliditas remoueatur, Sed id obiter dictum sit & in transcurso. Ad rem itaque redeûtes dicamus præposita seëtæ fautores in efficiente concoctionis causa à Galeni mente penitus alienos. Hallucinatur etiam non minus in hoc quod credunt ciborum concoctionem à prauorum humorum concoctione differre, quoniam in ea multum sit quod transmutatur in animalis substantiam, modicum verò excrementum: in hac verò contra, modicum quod alat & multum excrementum. Nam & si in multis cibis id verum est, quod scilicet modicum habent excrementum & multum quod nutrit: in plerisque tamen res longè secus se habet. Radicula enim ut primo de facultatibus naturalibus ait Gale. multum habet excrementum, & modicum quod
alat

alat. Similiter & olera omnia & fructus ut o-
ctauo methodi medendi, & in libris de alimen-
torum facultatibus, idem Galenus testatur: &
non de his solum: sed & multis etiam alijs cibo-
rum generibus. In hoc itaq; hic etiam falsi sunt.
Decipiuntur quoq; valde in ipsa prauorum hu-
morum concoctionis essentia, & quiditate ex-
plicanda. Quod ut facilius ostendamus paucis
aperiendum quam ratione boni humores cru-
di & cōcocti dicantur. Pituita itaq; ut ab ea ex-
ordiamur, priusquam à iecore transmutetur, &
in sanguinē conuertatur cruda, aut nō cocta (nisi
hilenim nūc differt quouis nomine eā appelles)
iure optimo dici potest. Postquam verò sangui-
nis perfectam formā adeptā fueris concocta me-
ritō vocabitur. At biles non hoc modo se habēt,
cū in sanguinem transmutari nequeant. Verū
cū sequantur quodammodo sanguinis genera-
tionem, potius supercocta quā cocta merent
appellari, ut Gal. quarto de tuenda valetudine
nobis significare videtur. Quatuor igitur hæc
consideremus pituitam, sanguinem, flauam &
atrā bilem. Ex his, pituita & cruda & cocta
appellari potest: cruda antequam in sanguinem
conuersa sit, cocta cū perfectam sanguinis for-
mam obtinueris. At non amplius pituita

Aliud antequam ad purgationes accedamus maximè à nobis considerandum est nūquid scilicet humores quos purgare volumus crudi sint an potius concocti. Nam humorum cruditas eorum purgationi pænitus aduersatur: concoctio verò ipsam indicare videtur. Quod optimus ille senex 1 Aphoris. parte breui hac sententia nobis demonstrauit. Concocta medicari, mouereq; nō cruda neq; in principiis. Cū enim humores crudi sunt, & natura cōtumaces, ipsi minimè obsequuntur. Si itaque eos purgare sentemus, tunc illam non habebimus sponte euacuationi adminiculantem: quinimo purgationem grauitè feret, quando vnà cum prauis humoribus, bonorum quoq; non modica quantitas expugnatur: ut in 2. huius operis parte contra minorantes apertè demonstrauimus. Verum cōcoctus humoribus, ut Gale. eam sententiam explicans ait. Naturam etiam habebimus euacuationi adminiculantem. Siquidē videtur & ipsa post concoctiones humores discernere, & supfluitates expellere, quo tempore fiunt iudicationes. Humorū igitur concoctio purgationi haud aduersatur: ac cruditas eorum purgationem pænitus inhibet. Accedit ad hac aliud ante purgationes diligētē

Q V A R T A

examine perpendendum, nempe humorū quies,
 & motus. Ad hoc enim purgationes concedun-
 tur. Ab illa autem quandoque. sed nō semper. At
 bisariam humores moueri contingit, aut enim
 per diuersas corporis partes vagantur (nequeun-
 te natura ob concitatum eorum motum illos ad
 determinatā sedem trahere) huc verò &
 illuc per totū corpus, aut principes salte eius par-
 tes moti (ut Gal. 4. Aphor. parte inquit) agro-
 tantem infestant, eumq; suo motu affligentes,
 nullo modo quiescere permittunt: aut ad vnā
 solum modō partem determinatam feruntur, q̄
 inuadunt, in eaq; firmanentur, atq; figuntur, q̄ in
 humorū præter naturam generatione maximè
 contingit. Horum motuum utrumq; purgatio-
 nem indicare potest: sed longè diuersa ratione.
 Nam prior id purgandum indicat q̄ actum mor-
 bum efficit, quodq; ut 6. de vulgaribus morbis
 ait Gale. ad euacuationem properat, dirigentiē
 ad vias excretioni accommodatas nequit. ob eius
 concitatum motum, propterea purgantis medi-
 camenti ope eget q̄ veluti manum porrigēs mo-
 tum illum inordinatum ad vias illas dirigat:
 priusquam ut Gal. 4. Apho. parte scribit, corpo-
 ris robur dissoluatur, vel febris augeatur, vel in
 aliquod princeps membrum decumbat, qui per
 corpus

corpus vagantur humores, ac sauiſſimū in animalimorbum procreant. At motus humorum quando hi ad determinatum membrum feruntur purgationem etiam indicare poteſt: nō quidem eorum humorum q̄ actum morbum efficiunt, & in membro cōtinentur. (Hi enim in morborum initijs nullo modo ſunt purgationibus tentandi) ſed eorum qui aut fluunt, aut parati ſunt fluere: ut eos in contrariam partem reuellantes, hos verò ſimul cum illis ſecundam partem euacuantes, minorem fluxionem reddamus, eaq̄ ratione morbum ſupra natura vires augeri prohibeamus. Quod Gal. 4. methodi medendi nos docuiſſe, & in alopecia, in oculorum inflammationibus, & in pleriſq̄ alijs morbis alibi obſervaiſſe, comperimus. Idem ipſe quoq̄ Hip. 2. de ratione victus in morbis acutis & pleriſq̄ alijs in locis voluit, ut infra clarius demonſtrabimus. Cū igitur humores mouentur ad determinatam partem, quandoq̄ in morborum initijs nobis purgare licet: ut eorum reuellando, & contraria trahendo motum aut humores paratos fluere & etiam fluentes aliquo modo euacuando fluxionem retardemus, eamq̄ minorem reddamus. Verum humorū quies quandoq̄ purgationi conſenſit, quandoq̄ verò eam omnino probi-

Purgatio re:
nulla purgatio
ionem tunc
morbis et mor
ind

Q V A R T A

bebit. Nam quando sunt membris impacti purgatorio medicamento tunc non obsequuntur. Ob id autem & maximam vim natura inferri & membra liquefcere certissimum est. Illud etiam priusquam ad purgationes accedamus contemplari debet: nūquid scilicet humores sint pauci, paruumq; morbum parere possint: an multi ac magni morbi nobis timorem incutiant. Nam si pauci in corporibus reperiantur prauī humores atq; ex his paruum futurum morbum speremus, tunc purgationis indicatio omnino cessat. Cū enim natura p se sola, aut certē lauib; praesidijs adhibitis, morbos oppugnare ualet, ualidis utiq; remedijs corpus humanum affligere non expedit, & potissimum purgatorijs medicamentis: q̄ natura humana tantopere aduersa sunt. Quod Gal. 3. Aph. parte his verbis significauit. Neq; tamen ea quæ per purgatoria medicamenta fit superfluitatum euacuatio cōueniens est. Nam valdē indigentibus & ex longis interuallis utilis est. Cuius sententia ipse quoque Auicenna tertia fen. primi canonis subscribere uidetur, hac inquit. Earum euacuatio secundum plurimum non perficitur nisi cū medicinis fiat venenosis, quæ proculdubio naturā frangūt. Quæ
etiam

etiam quod venenosæ nō essent nō posset
esse quin eas bibere naturę laboriosum es-
set: quemadmodum dicit Hip. medicina
purgat & inueterat, & præter hoc cum hu-
more superfluo euacuat ex humiditatibus
naturalibus & spiritu, qui est vitę substan-
tia, magnam partem. Et hoc quidem est ex
eo quod virtutem membrorum principa-
lium & eis seruientium debilitant. Cū itaq;
ex purgationibus tot corporibus accedant incō-
moda, idcirco nisi magna urgeat necessitas, ab
eorum usu omnino est abstinendū: atq; eis solum
modo vti debemus quādo magni alicuius mor-
bi timor adest, quē natura p se sola vincere non
possit. Valeat igitur praua eorū consuetudo, qui
in quocunq; vel prauissimo affectu ad purgatio-
nes illico conuolant. Postremo in purgationibus
maxima aduersione dignū est nunquid egrotās
quē purgare intendimus febre laboret an secus:
& si ea laboret utrū placida sit, & mitis atq; in-
ter accessiones intermittat, vel potius vehemēs
& continua Nā si febris non adsit, aut saltem ea
placida sit & mitis, ab illa utique purgationes
nō impediētur. At si vehemēs febris & continua
corpus obtineat, tūc purgationibus prorsus absti-
nere oportet. Hoc Hip. in libro de purgatorijs me

Q V A R T A

dicamentis, apertissimè præcepit, hac inquit.
 Quicunq; validis febribus corripuntur,
 his vsq; ad remissionem purgatoria medi-
 camenta ne dato, sin id nolis, saltē ne cir-
 ca 14. diē. *Et paulò inferius.* Quāobrem me-
 dicamēta purgatoria in febribus magnis,
 ne ore sumantur præcipimus. *Quod præce-*
ptum ipse quoq; Hip. in cura calis vehementer
commoti seruauit: ut ex eius sententia 2. de fra-
cturis scripta, satis constat: q̄ talis est. Sed si fe-
 bre quidem vacet, medicari eū è superiori
 parte debemus, sicut dictū est, quicumque
 item febre cōtinua nō laborāt, Nā si cōti-
 nua sit, medicādū nō est, sed à cibis & sor-
 bitionibus abstinendū, potioneq; vtēdū,
 aquæ non vini, sed mellæ. *Hoc idem in pedis*
luxatione eundē Hip. seruasse. id q̄ in fine 4. lib.
de articulis ab eo scriptum est, satis comprobat.
 Curatio enim (*inquit*) horū hæc est: si ab-
 sit febris veratrum est exhibendū, si adsit,
 dandum non est. *Quam quidē rem ipse etiam*
Gal 2. derat. victus in morb. acutis cōfirmare
videtur. Vbi igitur (*inquit*) non solū acu-
 tus morbus fuerit, eiusmodi est pleuritis
 verum & cū febre vehementissima multò
 magis vitanda est, purgantis medicamēti
 admi-

administratio. Et rursus dū ait Cū igitur febris vehemens nō fuerit: naturāq; agrotantis exptus fueris ad purgantis medicamētū potū te cōferes. Ob id etiā (ut opinor) Hip. 4. Aph parte, in morb. valdē ac, si humo turgēat, eodē die purgationē p̄. ipit: anteq̄ sanē (ut Gal. ait) febris vehementia augeatur, q̄ purgationem impediet. Multa quoq; alia in purgationibus cōsideranda sunt, quae quoniam proposito huic negotio parum aut nihil cōducunt, idcirco ea breuitatis causa omitemus. His itaq; optimē p̄pensis (ut ad rei difficultatem tandem accedamus) quorum aliqua purgationibus cōsentiunt, quaedam verò ipsis repugnāt, cū morborum principys occurrimus, illud à nobis cōsiderari debet: quanam eorum q̄ dicta sunt agrotantibus insit, & quae nō. Atq; si plura & validiora ex his quae purgationem indicant agrotanti insint, tunc nobis purgare ipsum licebit. Si verò contra plura scilicet & fortiora à purgatione nos dehortentur, ab ea prorsus abstinendum erit. Interea autem, quae dicta sunt purgationes impedire, corporis ineptitudinem, ac preparationis (ut ita dicam) defectum, ad purgationes prohibendas maximē posse mihi videtur. Nā si agrotantium corpora ad purgationes sint imparata, etiam p̄

Q V A R T A

cetera omnia purgationi consentirent nūquam
tamen purgando sunt. At ijs enim corporibus q̄
purgare volumus, ea omnia primo abesse oportet,
qua supra ex Gal. sententia 1. Aph. parte adducta
sunt: deinde & fluida ea esse ut commune illud
Hip. preceptum inuiolatū seruemus. Corpora cum
quispiā purgare voluerit oportet fluida facere. Sic itaq; ut in re signata
versemur, corpus agrotantis ad purgationes imparatum:
atq; humores turgeāt (q̄ purgationes in morborum
principijs maximè indicat) nunqd illud purgatione
tentandum? p̄fecto cum magis possit ad purgationem
prohibendam corporis ea ineptitudo, q̄ concitatus humorū motus,
ad illā indicandam, p̄pterea iure optimo dicendum est
eo casu purgationem minimè conuenire. Quod Gal. 1. Aph.
parte hunc in modū clarissimè ostendit. Quare (inquit)
nō sine ratione dixit raro circa principia acutorum
morborū nobis venire in vsum purgationes: quoniam
non sēpius turgeant humores in principijs: neq;
si quid istorū adsit ægro satis ad purgationē
parato, neq; dante nobis morbo temporis occasionem,
quo possimus ex imparato paratū facere. Quomodo
cunq; igitur reliqua se habeant si corpus ad purgationes
nes

nes imparatum sit, non tantum dicam in morborum principijs, sed nunquam purgari debet. Verum si una cum humorum concitato motu corpus ad purgationem paratum videatur: quis humores crudi sint, nihilominus nobis id purgare licebit. Praualet enim indicatio quae a concitato motu capitur ei quae a cruditate, modo corpus ad purgationes paratum sit. Quamobrem (ut opinor) optimus Hip. ab illo communi precepto, quo 1. Aph. parte iubet concocta medicamento purgatorio tentanda, non cruda, neque in principijs, turgentes humores exceptit, inquiens, modo non turgent. Ex hoc sane demonstrans plus posse concitatum humorum motum ad purgationem indicandam quam possit eorum cruditas ad illam inhibendam. Verum quoniam in morborum solummodo acutorum initijs humores turgere solent, ut Gal. in 1. Aph. parte, & 2. in 1. Prorrhetici commentario testatur: idque raro etiam accidit, ut in proposito Apho. nos docuit Hip. dicens, plurima vero non turgent, propterea illius motus causa raro in acutorum quoque morborum initijs veniunt in usum purgationes. Quas etiam maxima cum praemeditatione & cautione tunc faciendas esse idem Hip. paulo inferius scripsit: nepe cum ad eas paratum fuerit corpus. Ad cum rarissime nobis accibat parato

Q V A R T A

corporio currere, morbiq; celeritas tēporis occasi-
 onem praripiat ut ex imparato id paratum fa-
 cere queamus, ob id rarissimè quando etiā humo-
 res turgent, corpora purgare nobis cōcessum est:
 in qua re quantopere minorantes deficiāt uni-
 cuique in promptu est cognoscere. Verū cū humo-
 res non turgent, mouentur tamen ad determi-
 natā sedē, nunquid parato etiam corpore ad pur-
 gationē existente, purgādum? Ceriè cū in prin-
 cipys morborum humores semper crudi sint, ut
 sæpè dictum est: cumque humores non turgeant,
 quod solummodo cruditati prauales ut ex Hip-
 dicto aphorismo facis constat, propterea iure op-
 timo dici videtur corpora eo casu non esse purga-
 tionibus tentanda. Qua ratione (ut arbitror)
 moti, qui minorantibus totaliter aduersantur
 dixerunt in morborū initys nullo modo purgan-
 da esse corpora nisi humores turgant. Ego verò
 ex Hippo. & Galen. sententia, dico fluentes hu-
 mores ad determinatum memrum, & non eos
 solummodo sed etiam paratos fluere, in morbo-
 rum principys à nobis quandoq; purgari debere
 ut inhibita ac minorata (ut ita dicem) fluxio-
 ne morbi maximum incrementum prohibea-
 mus, nō autem ut id aliquomodo expurgemus
 quod actum morbum causat. Quo fit ut munus
 hoc

hoc magis pertinere ad eam medicina partem videatur quæ prohibet morbos augeri quàm ad eam quæ iam factos curat. Verum ut res clarius explicetur fluxionũ indicationes paucis ad examen reuocemus. Cum humor aliquis in membrũ determinatum fertur .ita ut eius pars iã membrum obsideat: pars verò altera in id continne fluat, tunc duplex nobis sese offert indicatio, vna quidem à parte iam fluxa & in membro firmata, quæ est ipsius digestio & euacuatio: altera verò à parte fluente, nempe fluxionis inhibitio, ac (ut ita dicam) minoratio. Hanc prius absolueri debemus q̃ priorẽ aggrediamur. Quod quidem recta ratione p̃ficiemus. si ab eius causa, magnitudine, vehementia atq; alijs quã pluribus indicationes caperimus, easq; optime seruauerimus. Nam si fluxionis causa sit immoderata membri patientis caliditas, vel dolor quispiam intensus, fueritq; fluxio parua, tunc facillimum erit caliditate, refrigerantibus medicamentis, temperata, anodynis verò dolore lenito fluxionem sistere. Si autem fluxio ea aliundè transmittatur, repellentibus medicamentis, ac robur adstringendo, affecta parti prastantibus, eam cohibebimus. At si fluxionis ea magnitudo sit, & vehementia, ut validiora p̃sidia postulet: tunc & frie

Q V A R T A

Elionibus, & ligaturis, & cucurbitulis contra-
 rijs partibus adhibitis. & similibus, res agenda
 erit. Quod si adhuc maior & vehementior flu-
 xio fuerit ad validiora quoque præsidia trāscun-
 dum: & potissimum si agrotantis corpus pletho-
 ricum sit aut prauis humoribus refertum. Inter
 qua missio sanguinis ut potè validissimum ac-
 tutissimum remedium (ut Gal. verbis utar) pri-
 mas sibi vindicat partes: virtutis robore, ata-
 te, & corporis habitus ei consentiētibz, ut Hip.
 quarto de ratione victus in morbis acutis, &
 Gal. ibidem, & in libro de curatione per sangui-
 nis missionem nobis scriptum reliquit. At si ho-
 rum aliquod sanguinis missionē impediat, quid
 ò optimi Gal. imitatores (vos huc appello qui in
 morborum initijs nisi turgeāt humores nunquā
 purgandum esse contenditis) quid in quā facien-
 dum? An ne permittendum in angina (exempli
 causa) tantam humorum copiam ad affectum
 membrum fluere: ac tā opere faucium aut guttu-
 ris tumorem crescere ut agrotantem priusquam
 Natura morbum concoquat, suffocet? Vel potius
 optimam Gal. Consuetudinem, quam ex quarto
 de ratione victus in morbis acutis, & ex sexto
 de cōpositione medicamētorum secundum locos
 in secunda huius operis parte explicauimus, se-
 quemur

quemur? nempe clysteribus & si opus fuerit purgationibus fluxionis impetum retardaretentantes? Certe si rem ipsam bene considerare voluerimus, hoc secundum ut rationi magis consentaneum, eligibilius est. Sistenda itaq; fluxionis humorum gratia (quādo sanguinis missione aut ob virium imbecillitatem, aut ob aetatem vel corporis habitum id consequi non valemus) agrotantium corpora in principiis morborum purgationibus nobis quandoq; tentare cōcessum est: cum hoc idem à Gal. quarto methodi medendi, quarto de ratione victus in morbis acutis. sexto de cōpositione medicamentorū secundum locos in angina & alibi plerisque alijs in morbis factum videamus. Quandoque etiam ob membrum affectum (nisi admodum magnus morbus & acutus sit, qui semper sanguinis missionem postulat, ut Hipp. quarto de ratione victus in morbis acutis nos docuit) in principiis morborum purgatione magis quàm sanguinis missione procuranda est fluxionis inhibitio. Quod Hip. 2. de ratione victus in morbis acutis in pleuritidis curatione, cum dolor ad inferiores costas pertingit, fecisse existimo. Non enim Hip. eo in loco purgationem precipit qua humores in membro affecto firmari moueantur, ut infra ostendemus, sed eam qua

Q V A R T A

fluentes, ac parati fluere, vel saltem ipsorum aliqua pars, extra corpus ducatur, ut minor humorum copia ad inflāmatam partem, fluat, atq; hac ratione fluxio aliquo modo sistatur. Sed quāpiam fortasse quæret: quamobrem Hip. hanc fluxionis inhibitionem elegit? Nonne satius fecisset si sanguinis missione à curvatura brachij revulsionem humorum ad superiora & contraria trahendo tentasset? ut Gale. placuisse videtur? Huic quæstioni facillimè responderi potest, eam fuisse Hip. consuetudinem: nempe inflammationum causas purgationibus quandoq; emendare, quas tamen Gal. sanguinis missione corrigebat, ut ipsiusmet Gal. sententia est secundo in librū Hip. de fracturis commentario. Non suppurata autem (inquit) sanguis cum inflammatio magna superuenit aut ex prauitate deligationis, aut ex eorum malignitate, aut multitudine: quam ipse quidem ex inani-tione per medicamenta nos sanguinis missione emendamus. Verū cæteris inflammationibus præteritis, ad pleuritidem de qua erat sermo reuertamur: & Hip. ac Gal. consuetudinem parumper cōtemplemur: ut quæ earum melior fuerit indicare possimus. Gal. itaq; ut ab eo exordiar, cū cōsiderares quod febris vehemē-

tia ac (ut ita dicam) acuties plurimum pleuritis
des etiā in quibus dolor fertur ad inferiores co-
stas, cōmitari solet: quodq; is magnus morbus est
propterea Hipp praeceptum, perpetuo observari
vetuit, aphorismum adducens: in acutis scilicet
morbis rari & in principijs purgantibus medi-
camentis utendum est & potissimū si vehemen-
tissima febres ijs cōiunctae fuerint. Quae tam &
si vera sunt non tamen propterea Hippocrates
insimulandus, qui eo in morbo, nēpe in pleuriti-
de cum dolor ad sēptum trāsuersum pertingit,
purgationem & non sanguinis missionem prae-
perit. Nam morbi illius curationem ut talis est
natura, docent (omissa febris vehemētia ac mor-
bi magnitudine de quibus & in illo Aphorismo
& quarto de ratione victus in morbis acutis a-
bunde pertractauit: ac quid indicēs perfectē de-
monstrauit) eā corporis euacuationem praecipit,
qua inclinationi peccātium in eo humorum ma-
gis conuenire videtur. Ea autē est per inferiorē
ventrem purgatio. Quā si sanguinis missioni
curuatura brachij conferamus, tam morbi illius
ac peccātium humorum natura longē magis con-
uenire percipiemus. Etenim quid sanguinis mis-
sio nobis prestare potest? Profectō nihil aliud q̃
fluentium humorum retractionem. At Hippoc.

Q V A R T A

purgatio non solum fluentium humorum partē
 educens, sed etiam eorum qui parati sunt fluere
 portionem euacuans, fluxionem magis cohibe-
 bit ac minorem reddet. Nā humores qui ad in-
 feriora inclinationem habent cum graues ex sui
 natura sint, ob id p inferiora melius atq; facilius
 educuntur quam p superiora. Quāuis itaq; san-
 guinis missio à brachij curaturi ad reuellandum
 magis idonea sit purgatione p aluum. Hac tamē
 illi praeat ad euacuandum corpus humoribusq;
 educendis, nō solum fluentibus, sed paratis etiā
 fluere: qui p eam sanguinis missionem commodē
 euacuari nequeunt, cum graues sint & ad infe-
 riora inclinēt. Quod respiciens Hip. omīssa san-
 guinis missione, purgationem p̄cipit, ut potē ma-
 gis aptam ad corpus expurgandum, in quo gra-
 ues humores morbū augere possunt. Id verō tā-
 tum abest ut à Gal. damnetur ut potius illud (si
 bene quae ibi, & in lib. de sanguinis missione ad-
 uersus Erasistratum ab eo scripta sunt conside-
 rentur) summopere laudare videatur: in quare
 grauissimos alioquin viros deceptos scio. Sed cur
 Hipp. per venas inferiores sanguinem non mit-
 tit? Cur? Quoniam affectio supra renes est, &
 humores à venis illis tā opere remoti, q̄ ea eua-
 cuatio parum aut planē nihil potuisset prodesse.

Verūm

mente prorsus aberrarūt. Quàm ut adhuc clarius explicemus, quid cōcoctionis & cruditatis nomē apud Hip. & Gal significet: quorū modis res crude aut cōcocta ab ipsis dici solēt aperendum est. primū itaq; cōcoctionis nomen ab Hip. 6. de vulg. morbis usurpatum est. pro quacūq; ad mediocre temperamentum, ac animanti conueniens adductione: siue ob mutationē atatis. siue ex aliqua vel extrinseca causa ea prouenerit, idq; dū ait. Morbi simul nutriti in senectute relinquūt & per concoctionem, & solutionem, & rarefactionem. Quod Gal. exponens, hæc, inquit. Igitur cum hic frigidorum meminerit: constat & ipsum concedere quādam ex calidis in seniori ætate posse dissolui, siquidem contrariorum cōtraria medicamenta sunt. Rari autem hi sunt, ut calidæ cephalæ, & æterocraniæ vocauit dolores capitis, & renum calidi affectus, & articulares dolores, quicunque ex valdè calida causa oriuntur. Iste solutionis modus inter concoctiones reponitur: concoctione videlicet omnem ad mediocre tēperamentum adductionē significant. Eodem concoctionis significato usus quoque (ut opinor) Gale. est, & in aphorismorum com-

T E R T I A

mentarijs, & in libris de crisibus dum dixit: morbos ys diuturniores qui intra 40. diem iudicantur non admodum solere per sudores terminari, neq; omnino per excretiones sed per concoctionē, vel per abscessus. Et rursus dū quandoq; ait, à calore prater naturam morbos frigidos cōcoquit. Quod in lib. quoque de compositione medicamentorum secundum locos, & secundum genera idem Gal. seruare videtur inquit castoreum, myrrham & huiusmodi medicamēta coquere: quæ tamen longè calidiora sunt, q̃ea quæ propriè concōcloria medicamenta appellantur: ut ex eiusdem Gal. dictis quinto de simplicium medicamentorum facultatibus satis constat. Hic concoctionis modus à sermone nostro prorsus abigendus est: cū latius pateat quam is quem querimus, prauisq; humoribus nō solum in diuturnorum morborum, sed in acutorum etiam solutione, debetur. Aliud cōcoctionis significatum id est, de quo Gal. tertio facultatum naturalium pertractat, quod propriè alimentis cōuenit. Est autē qualitatis adeptio qua id quod cōcoquitur aptum redditur ut animans nutrire possint. Hoc concoctionis modo, pars ea ciborum solummodo, & succorum quæ perfectè animali assimilari potest concocta merito dicitur quando qualitatē

litatem illā suscepit. Atq; is (ut iam diximus) p̄p̄rissimus est concoctionis modus: cui cruditas quādā opponitur: nēpe qualitatis illius defectus cū aptitudine ad eam suscipiendā. Postrema concoctionis significatio est, natura victoria contra causas prater naturā, rei in quā ipsa agit, inexistentes, earumq; debellatio. Quæ transmutationem ipsius rei sequitur: dū in substantiā animalis transmutatur, quantum tamen eius natura concedit. Quæ concoctionis (ni fallor) significatione utitur Gal. 3. de ratione victus in morbis acutis dicens aquā quantumvis optimā tarde concoqui. Ea enim non quia tarde nutriat ob id tarde concoqui dici potest, cū nullo modo alat ut Gal 4. Aph. parte 3. de ratione victus in morbis acutis 4. de usu partiū corporis humani, & alibi testatur. Cui Avicēna etiam consentit 2. fen. 1. canonis. Quæ itaq; ratione Gale. aquam quantumvis optimā tarde concoqui dixit: Non alia certē, q̄ eo quoniam in ventriculo tarde vincitur, & trāsmutatur. Aqua igitur ac cæterarum potionū ciborumq; partes aqua postrema concoctionis significatione concoctæ merito dicentur quando a vētriculo & iecore fuerint trāsmutata; ac animali quātum eorum natura admittit assimilata, q̄quam nutrire nequeāt: sed postquā

T E R T I A

transmutata sunt, per renes ad vesicam ferantur, indeq; mictu excernantur, ut clarissima est Gal. sententia 4. de usu partium corporis humani, & 2. de facultatibus naturalibus. Quos fit ut ij. maximè reprehendendi sunt, qui urinā in iecore generari autumant: cū tamen nihil aliud ea sit, q̃ aqua quā bibimus, aut aliarū potionū & ciborū aqua partes. Sed de hoc latius, si quādo dabitur occasio, differemus: nūc enim ad propositū redeundū est. Nouissima itaq; concoctionis significatio non solū urinis, sed omnibus etiā alijs excrementis, puri, ceteriq; prauis humoribus quando à natura victi sunt cōuenit. Id tā apertè Gal. 3. de ratione vic. in morb. acut. ostēdit, ut nemo nisi admodū p̃teruus illud unq̃ negare possit. ait Nempe biliosa cruda appellauit, quoniā & excrementorum concoctionem appellat q̃quā mutata nutrire non possunt, vt bilis vtraq; & qui ἰχμῆς dicuntur. Verū tamen quoniam & talia euincit natura, concocta quidem vocare consuevit Hip. excrementa huiusmodi, quæ à natura ipsa euicta sūt cruda verò quæ non sunt euicta. Ob id & pus in inflātionibus q̃ concoquuntur fieri ait, q̃q̃ pars nulla ex pure alimoniam accipiat, veluti accipit ex crudis vocatis humo-

humoribus, & pituita. Quę reliquũ perfe-
 ctionis adepta, & prorsus cocta nutrire
 possunt. Si igitur biliosũ humorũ con-
 coctio existit, vt sanguinis q̃ in inflãmatio-
 ne est, in pus migrãtis: intelli gentibus no-
 bis cõcoctiois nomen in suo vniuersalio
 re significato. Est autem vniuersalius, cum
 natura causis fortior fuerit, pmutaueritq̃;
 eas suo robore. Quę igitur veluti in anima
 carente corpore putrescũt, nihil ad pmu-
 tationem cõferente calore innato à cõco-
 ctionis ratione degenerãt. Hoc sanẽ cõtin-
 git aquosis his humiditatibus q̃p vrinam
 excernũtur: atq; ob id crudas vrinas cõcoq̃
 dicimus, q̃ corpus ex concoctis vrinis ali-
 non possit. Generali præterea hoc conco-
 ctionis significato vtimur, cũ vel catarrhũ
 vel coryzam, vel fluentes ex his humidita-
 tes, vel easq; ex oculis maneãt, aut crudas
 aut concoctas esse dicimus. Ad hũc modũ
 & bilem vel crudã, vel incoctã, vel coctam
 esse pronunciamus. Cruda quidẽ flaua ad-
 modũ est & acris, & malè olens: cocta autẽ
 & pallidior, & minimum malè olens. *Hęc
 Gal. sententia si cã diligẽti examine perpendere
 voluerimus, luce ipsi clarius demonstrabit, non*

Extremo concoctionis significato: hoc est, victi, ac debellati à natura, & quantum fieri pōt animali assimilari Huic cōcoctioni, cruditas etiā q̄dam improprie dicta opponitur q̄ prauis quoque humoribus ratione partis prauæ attribui potest: quādo causa p̄ter naturā eos inuadūt. Quasi itā sopere p̄cesserint, ut natura actioni praualeant, continue humores crudiores dicētur: hoc est, natura magis rebelles & contumaces. Verū (clarioris doctrina gratia) in resignata versetur: atq; sanguinē ipsum extra ppria vasa delatū in mēbro aliquo contineri supponamus. Is cū non sit in loco sibi conueniente, tandem necessarium est ut putrescat. Cū igitur putredo eum euaserit tunc crudus dicetur quia quodammodo natura rebellis & contumax. Talis autem redditur à calore prater naturam, q̄ ipsum natura aduersissimum facere intendit. At contra, membrorū solidorum innatus calor illum in membri substantiam transmutare & natura familiarissimum facere nissitur. Hinc oritur inter hos duos calores pugna altero nempe eo qui prater naturam tētare sanguinem natura maximè rebellem & contumacem facere: reliquo verò ipsum ei familiarem, & membri similem reddere. At qui si putridus calor naturali praualeat, ipsiq; domi-

T E R T I A

netur, tūc sanguis continuè crudior fiet: hoc est, natura magis aduersus, & contumax: & pus ex eo generabitur minimè album, in aquale & fætidum, quale in vlceribus fieri sapissimè videmus. Quod si adhuc vltcrius procedat calor ille putrefaciendo, tandē crudissimus, & malignissimus sanguis reddetur: nec amplius concoctionem admittet. Quin potius membri substantiā in quo continebitur putredo prahendet, idq; in perniciem ducet. Quod in Gangranis, alijsq; cōsimilibus morbis euenire certissimum est. Verum si innatus calor solidorum mēbrorum validior putrescente sit, sanguinem quem putredo inuaserat, transmutabit & membro in quo is continebitur tātum assimilabit quantum putrescentis substantia natura concedet. Et tunc substantiam quandam obtinebit, quæ ad membrorum solidorum substantiam propè accedet: & pus optimū, ac postrema concoctionis significatione, bene cōcoctum appellabitur. Id autē album erit, aquale, & minimum malè olens. Hoc Gal. i. in Hipp. prognostica commentario 5. de simplicium medicamentorum facultatibus tam apertè nos docuit, ut de hoc dubitare, nemo qui sanè sit membris, debeat. Illud idem qđ de putrescente sanguine dictum est, de alijs quoque prauis humoribus vitales

tales sunt: dici debet, ut præposita sententia Gal.
ex 2. de ratione victus in morbis acutis addicta
clarissimè ostendit. Nam si à natura vincantur
& transmutentur, debellanturq; causa præter
naturam in eis existentes, tunc postrema conco-
ctionis significatione concocti dici meritiò pote-
runt, quâvis non sint apti nutrire. Nam quæ eo
modo concoquantur non ex necessitate nutriūt.
At quamobrem concocti dicentur? Non meher-
cle quia à parte bona seiuncti sint, ut quidam a-
iunt, nec quia eam indicent bene concoctam ut
aliq; (nisi id à posteriori & per viâ signi dicatur.
In qua re grauissimi etiâ viri hallucinati sunt)
sed quoniam à natura, eorum prauitas debella-
ta est: & ipsi quantum eorum substantia admit-
tit, facti sunt natura familiares & membris si-
miles. Similiter de urinis, cæterisq; excrementis
dicendum est. Ex horum autem transmutatio-
ne, aut concoctione, nobis postmodum indicatur
caliditatem innatam obtinuisse humidum. Et
hoc modo intelligenda est Aristotelis sententia
4. meteorologicorum, quæ in fauorem aliorum
supra adducta est. quemadmodum aphrodisiens
sis Alexâder eam exposuit: Inquit enim. Quo-
niam verò ex hoc quod humidum à pro-
prio calido superatur concoctio statuitur,

T E R T I A

idcirco dicit sanitatis signa esse talia: ea videlicet quæ cōcocta dicuntur, & urinæ, & alia sedimenta, & omnino superfluitates. Horum namq; cōcoctio, inditio est quod propria animalis caliditas super humidū obtineat. *Et quæ deinceps. Ascedit ad hoc, qd ipsemet Aristoteles paulo inferius de cruditate loquēs hac de huiusmodi rebus scribit.* Vnde & urinæ, & secessiones & catarrhi crudi dicuntur propter eādem causam. Eo enim quod non sunt obtenta à caliditate neque constant cruda omnia appellantur, *Ratio itaque formalis cur hæc cruda vocentur. hæc est, non obtineri à calido, neque constare: concoctionis itaq; per contrarium, ratio formalis erit, à calido obtineri & constare: non autem indicare partem bonam re, sed fuisse cōcoctam ut illi falso existimarunt.* Pravi itaque humores (ut ad rem reuertamur) ut tales sunt (hoc est, ratione partis prava) concocti tunc dicuntur: quando causa præter naturam in eis existentes victa & debellata sunt, hiq; quantum eorum natura patitur animali assimilati. At si res contra se habeat, & causa innato calori pravaleant, tunc humores natura contumaces & rebelles reddentur. Hanc humorum dispositionem, si quis eorum pravi a-

sem

rem appellet recta, ac propria voce utetur: sin autem cruditatem vocare malit, latiore quidem utetur cruditalis significatione, nō tamen à veritate aberrāuit, ut primo de symptomatū causis testatur Gal. Verū quoniam & sanguinis putrescenti, & alijs humoribus prauis, qua concoctionem admittere possunt, semper aliquid boni mistum est, q̃ perfectē transmutari potest in substantiam membrorum, propterea natura, unica actione (sicut in cibis quoq; facit) utrāq; partem transmutare pergit: eam nēpe, qua nutrire potest, q̃ causa prater naturam non attigerunt, & illam q̃ eadem iam inuaserunt, qua nullo modo nutrire nequit. Vtramq; igitur partem unā transmutat, & animali assimilat, sed priorem ita assimilat, q̃ membra alit: reliquā verò quantum fieri potest, eiusq; natura concedit membris assimilat, sed nunquam perfectē sicut priorem faciebat. Ob id si duobus hac inter se comparentur, quia prior pars perfectē transmutatur, p̃pterea absolutē concocta dicitur: nouissima verò, quia perfectam illam transmutationem non adipiscitur idcirco partis bonæ cōparatione, semicoctam excrementum vocari poterit, ut Gale. 2. in 1. de vulgaribus morbis commentario censuisse videtur. Hanc naturæ actionem, si totam conside-

T E R T I A

remus, cum in partis bonae transmutatione terminetur, propterea, ab ea potius tãquam à perfectiore cõcoctio appellari debet: atque partis illius ratione propriè cõcoctio vocabitur. Quod 2. in 1. de vulgaribus morbis Gale. considerauit, dum eam sententiam qua supra pro secunda secta adducta est protulit. At si prauam partem per se consideremus nõ conferentes eam bonae, tunc & ipsa (qua eius comparatione semicoctum excrementum appellabatur) concocta dicetur, postrema concoctionis significatione: hoc est, à natura victa & superata, ut supra ex Gal. 2. de ratione victus in morbis acutis ostensum est. Sed quis iure optimo queret: quamobrem prauis humores quibus nihil boni admixtum est, à natura concoqui nequeunt? Huic questioni authores secunda secta faciliè se satisfacere credunt, dicentes: quid euenit, quoniam cõcoctio non est prauorum humorum, sed bonorum solummodo, & qui nutrire possunt. Cum itaq; in illis humoribus nihil sit quod nutrire valeat, quomodo unquam concoquentur? Sed grauissimè falluntur. Nã & si id quod dicunt de secunda cõcoctione qua propriè cõcoctio appellatur verum est, de postrema tamen, id est, falsissimum: cum & aqua qua haud nutrire potest, & similia concocta eo modo

modo dicatur. At quamam igitur est causa quod prauis eius natura humores concoqui nequeunt?

Qua? Nonne hercle partis bona carentia: sed causarum prater naturam vis, cui prauales non potest calor innatus. Quo fit ut illi semper erudi, & maligni permancant: nec ullo pacto transfutari ac vinci possint. Quod etiam quandoque prauus humor ita accidit, quod us aliquando tunc est admissum. Huic enim aliquando causa prater naturam tam valide existit, quod calor innatus eis resistere non potest, sed ab illis superatur. Et tunc humorem in extremam cruditatem & prauitatem perueniunt: & tandem membrum in quo continentur & ipsum animal quandoque, in perniciem ducunt. Hae sunt quae mihi de prauorum humorum concoctione & cruditate dicenda videtur. Ex quo us, liquido constare arbitror, quodnam sit medicamentus in procuranda prauorum humorum concoctione. Nam cum eorum concoctio (ut dictum est) nihil aliud sit, quam causarum prater naturam in eis existentium debellatio, ac natura contra eas victoria, ideo medici officium est, cum prauorum humorum concoctioni studet, primum causis prater naturam contraire, easque imbecilles reddere: deinde calorem innatum quantum fieri potest manu-

T E R T I A

tenere ac seruare. Verum quonam modo hac absoluere poterit? Quo? Illud quidem, debitis euacuationibus, & in tempore adhibitis, alterationibus, & alijs deniq; remedijs, quibus causa prater naturam oppugnari solent, optimè perficiet. At reliquū duplici ratione assequetur ut Gal. 2. in 6. de vulgaribus morbis nobis significauit. Nam cū calor innatus moderata quadam difflatione & vētilatione (ut ita dicam) seruetur ob id medicus q̄ natura præsto esse vult, ut causas prauis humoribus incixistentes superet, immoderatam caloris difflationem & dissolutionem si ea adsit, prohibere conetur. Quod in magnis inflāmationibus sæpiſsimè vsu venit. Eas enim, si emplasticis medicamentis innata caliditatis dissolutionē prohibeamus. Natura melius atque facilius cōcoquet, quàm si calorem innatum dissolui permittamus. At si prohibitus sit calor innatus diffilari (ut in putridis febribus propter obstructiones plupimum euenit) tunc totis viribus entendum, ut in pristinum statum is reuertatur, ita ut moderatè diffletur. Verum hac de re latius differere præter rem esset. His itaq; omissis tempus iam est ut ad questionem nobis primo intentam pedem conferamus.

IN prima huius operis parte atque secunda medicorum ferme omnium qui nostris temporibus arti operam aliquam concedunt circa propositam questionem controuersias, quantumq; omnes in eius dissolutione aberrēt abunde ostensum est: in tertia verò quidnam sit prauorū humorum concoctio contra multorū decreta exarauimus. Nunc autem quæ fuerit vera Hippocratis ac Galeni sententia, de humorum purgatione in morborum initij tentanda (q̃ à principio proposuimus) explicandum. Verūm ut id melius facere valeamus, quadā propositio huic negotio summopere utilia ad examen reuocāda sunt. Cū agrotantium corpora nobis sese offerunt purganda illud imprimis considerare debemus: nunquid scilicet ad purgationes parata ea sint, an secus. Atque si illa ad purgationes parata videantur, tunc ipsa purgare nobis licebit: sin minus, omnino purgationibus abstinere oportebit: nec prius corpora purgationibus tentanda erunt, quā ad eas parata fuerint. Ut autem corpora ad purgationes parata sint, primo ea omnia ab illis abesse oportet, quorum 1. Aphorismorum parte meminit Galen. hac inquit, Nam qui multa cruditate laborant, quiq; tenaces aut crassos cibos sumpserunt: qui

Verum hac de re latius disputare prater rem esset. Sat enim sit, nos ex Hip. ac Gal. decretis ostēdisse, in principiis morborum nobis quandoq; licere corpora purgationibus tentare etiam q̃ humores non turgeāt: idq; cohibenda ac (ut ita dicam) minoranda fluxionis humorū gratia, quando hoc sanguinis missione ob dictas causas facere nobis concessum non est. At quoniam rarò accidit q̃ corpora adeò imbecilla, ut sanguinis missionē tollerare nequeant, à magnis ac vehementibus fluxionibus molestantur: pueri verò ob innatā propter humidum corporis habitum, evacuationem, validis his remediis non multū egent: & qui pleuritide & similibus morbis laborant acuta febre ac vehementi & magno morbo plurimū detineantur. propterea rarò quoq; evenit, ut alio q̃ sanguinis missione, magnas & vehementes fluxiones sistere oportunum sit. Raro itaq; non solum quando humores turgent, sed etiam quando fluunt ad determinatam partem veniunt in usum purgationes. Qua Gale. fortē respiciens 2. Aph. parte hac ait. Circa initia illorum morborum in quibus speramus ægrum conualeturum, tentandum est maiora afferre remedia, de quibus dixit Hip. si quid videtur mouendū moue, sunt au-

Q V A R T A.

tem hæc maximè venæ sectio nonnunquā
 & purgatio. *Hæc mehercle dictio nonnunquā,*
quam purgationi præposuit satis apertè demon-
strat, rarò in morborum initijs venire in usum
purgationes, plurimum verò sanguinis missio-
nes: q̃ dictio, maximè, venæ sectioni appositæ,
clarissimè ostendit. At si rarò in morborum prin-
cipijs purgandū, quando itaq; id accidet? Quan-
do? Nempe cū turgent humores. Deinde quādo
ad membrum aliquod fluunt, aut saltem parati
sunt fluere, & sanguinem mittere non est oppor-
tunum propter dictas iam causas. Quod quidē
cū rarò accidat rarissimèq; in morborū initijs
corporibus ad purgationē paratis occurramus,
idcirco Gal. (ut arbitror) eo modo loquendi v-
sus est nobis indicans in morborum initijs plu-
rimum sanguinem mittendum, rarissimè verò
corpora purgāda. Ex quo lucidissimè apparet mi-
norantes toto (ut aiunt) cælo à Gal. mente aber-
rare. Sed quis ulterius & nō immerito quare,
cum in morborum initijs humores semper crudi
sint, ut in libr. de crisibus & alibi sepius scri-
pfit Gale. quomodo itaq; corpora rectè in princi-
pijs morborum purgabimus? & potissimū cum
Hipp. 1. Aphor. parte neget cruda medicamento
utenda esse, nisi turgent: non turgent autem,
quando

quando mouentur ad determinatam partem. Hanc difficultatem soluere nescientes qui mino-
rantibus aduersantur, in maximos errores lapsi
sunt Cui tamen nos facillimè respondemus, & si
humores qui in partem affectam fluxerūt, &
in ea firmati sunt, crudi semper in morborum
initijs existunt, tertia cruditatis significatione
(qua purgationes maximè impedit) illi tamen
q̄ adhuc sunt in motu, & ad affectā partē fluunt.
& ij q̄ parati sunt fluere, non ex necessitate cru-
di sunt, sed sapissimè cōcocti Quod nobis clarius
sic etiam apparebit, si sanguinem & biles ex qui-
bus potissimū vehementes fluxiones & magna
eorum habent diligenti examine perpenderi-
mus. Nā neq; sanguinis, neq; biles priusq̄ in par-
te ad q̄ feruntur, firmētur, plurimū cruda sunt.
nec 2. nec 3. cruditatis significatione: (primam
enim ut à pposito nostro alienam iam à sermone
nostro abegimus) cū secunda concoctionis signi-
ficatione, soli pituitosi humores crudi meritò ap-
pellari possunt: (ut in 3. huius operis parte osten-
sum est) reliq; verò humores aut concocti aut su-
percocti. Nec etiam 3. cruditatis significatione
humores illi crudi dicētur, nisi eos causa prater
naturam inuasferint prius q̄ in affecta parte fir-
mentur: q̄ non ex necessitate contingit. Erunt

emplo insistamus) ita ut immincat periculum suffocationis, nisi ea fluxio sedetur, idq; sanguinis missione facere nobis non liceat, aut ob viriū imbecillitatem, vel propter aetatem aut corporis habitum, qđ per deū immortalem tūc agendum est? Profectò longè melius videtur fluentes humores etiam qđ crudi sint, purgationibus reuellare, qđ permittere agrotantem suffocari. At si id faciemus Hip sentētia aduersari videbimur. Quid itaq; agendum? Ego equidem tam ancipitem rē prudentis medici ope indigere arbitror, qui utramq; indicationem optimè timetur: cā nempe quæ à cruditate humorum sumitur, quæ purgationem omnino impedire videtur: & illā non minus quæ à vehementi & magna humorum fluxione capiēda est, quæ purgationem tūc admittit cū sanguinis missioni nullus est locus. Quibus indicationibus rectè perpensis ei maxime ipsum intendere oportet, quæ validior videbitur. Verumque enim malum apparet purgare scilicet humores crudos, & permittere morbum tantopere augeri ut in maximum discrimen agrotantem perducatur. Inter duo itaq; mala id qđ maius est proculdubio vitandum. Nāq; si agrotanti maiora nocumenta purgationem allaturā videamus qđ sit emolumentum quòd ipsi ea fluen-

Q V A R T A

tium humorum reuulsio, & retardatio, afferre possit, tunc purgatione abstinendum erit. Sin verò res cōtra se habeat, indicatio quæ à cruditate humorum capitur prateriri debet: atque in ea respiciendum quæ magna & vehemens fluxio nobis indicat: & si purgare opus sit purgandum. Nec Hip. Aphor. huic rei (ut opinor) aliquemodo refragatur: cūm de ea purgatione ipsi sit sermo quæ ut peccantes humores euacuemus, corporibus adhiberi solet: non autem de ea, quæ fluxiones cohibere intendimus. Nam in hac auxilio natura non egemus ut ea scilicet euacuationi opituletur: cū trahere humores ad contrariā partem ei ad quæ mouet natura nitamur. Quod quando euacuandi gratia purgamus, maximè considerandum est. Nam quæ ducere oportet quæ maximè natura vergit per loca conferentia eò ducere conuenit, ut 1. Aph. parte præcipit Hip. Cūm itaq; idem dicat concocta medicamenta ut Gal. in illius sententiæ expositione ait, quoniam tunc naturam etiā habebimus euacuationi spontè adminiculantem: propterea nihil aliud arbitrari possumus quæ Hipp. locutum fuisse de purgatione, quæ intendimus corpus purgare, non fluxionem cohibere. Hæc itaq; cūm sic se habeant, ut dictum est, propterea in purgationibus quibus

fluxiones uehementes sistere tentamus, id summopere cauendum est, ne partem humorum in membro firmatam atq; incofixam purgatorijs medicamentis aliquomodo moueamus: ut 4. de ratione victus in morbis acutis his verbis nobis Hip. praeauit. Quicumq; autem ea quae inflammantur statim morborum inter initia medicamento soluere conantur, iab itensa inflammataq; parte nihil adimunt. Non enim cedit obsequiturq; quae adhuc cruda est affectio. Et quae deinceps. Huius sententiae duae haec dictiones, soluere, & conantur, aperte ostendunt Hip. in inflammationum initijs, eam solummodo purgationem vetare, quae humores in parte inflammata firmati, eiq; infixi moueantur: non autem illam quae fluxiones humorum sedari possunt. Quod quidem non est conari soluere inflammationem, sed prohiberi ne supra natura vires augeatur. Id respiciens (ut arbitror) ipse quoq; Hip. 2. eiusdem lib. pleuritidelaborantibus, quando dolor ad septum transuersum fertur, mediocrem purgationem praecepit: ut modus loquendi quo usus est satis demonstrat. Non enim dicit φαρμασύνειν aut καθαρῆιν δει sed μάλλον hoc est, molire oportet, moderatam purgationem tentandam esse indicans,

Q V A R T A

qua humores in parte inflammata firmati non
 mutantur. Quod si quarto eiusdē libri eandem
 curationem pertrahens vsus sit dictione $\varphi\varphi$,
 $\mu\alpha\kappa\tau\upsilon\pi\upsilon$ eo modo intelligenda est, ut in parte le-
 gitima eam intelligi oportere indicauit. Accedit
 ad hoc quod fortē sentētia illa quarti de ratione
 victus in morbis acutis inter legitimas Hippoc.
 non est reponenda. Nec cuiquam mirum videa-
 sur Hipp. veratro nigro mediocrē purgationem
 tentasse, quando & ipse Gale. 2. in lib. de articu-
 lis cōmentario purgationē quæ fit per veratrum
 albū in raphanos infixum, inter mediocres pur-
 gationes enumerat. Nihil enim phibet validis
 pharmacis moderatē tamē sumptis: moderatas
 quōq; purgationes moliri. Quod arabum medi-
 corum prestantissimus Auicenna fen. 4. cano-
 nis nobis significauit, dicens, Exhibere medi-
 cinā fortem debilem, fortē quo ad virtus
 tem debilem quo ad quātitatem. Nec vera-
 tri nigri vis adeò terribilis antiquis medicis vi-
 si est sicut nostris temporibus multis videtur, q
 tamen eo nunquam vsi sunt. Quod si aliquando
 fecissent, eūque vim in purgando experti fuis-
 sent, illud absq; vlla prorsus molestia purgare co-
 gnoscere. Sed de hoc latius in antiqua medici-
 na apologia differemus. Nunc enim iam tempus
 est

est ut ad quiescentes humores sermonem cōuertamus. Humores itaq; qui quiescūt & nullo modo mouentur, nec moueri parati sunt: (de his enim unā cū fluentium humorum indicatione pertractatum est utrorūq; indicationes contingentes) sed in membro aliquo firmari atq; in eo fixi reperiuntur, in morborū initio nullo modo purgatione tentandi sunt. Hoc Gal. tā apertè 4. de ratione victus in morbis acutis affirmat, ut id nemo, nisi admodum proteruus inficias ire possit. Quarto (inquit) die purgandum indistinctè pronuntiauit. Neq; enim inter morbi initia aliquod remediorum huiusmodi iniungere oportet, desumpto à numero dierū scopo: sed quod Hip. sensuit est exequendum. Nam vel statim ab initio priusquam in partem aliquam confirmentur humores medicādum, vel postea cū ad maturitatem peruenerint. Sed maximā hoc quoque difficultatem habet, nunquid scilicet id verū sit q̃ in p̃posita sententia dictum à Gal. est, quando humores fuerint tenues & serosi. Nā hi in principis morborum etiam q̃ quiescant purgationem admittere videntur: cū Gal. in lib. illo cuius inscriptio est, Quos quibuscūq; medicamentis & quo tempore purgare liceat, de tenuiū hu-

Q V A R T A

morum purgatiōe hæc scribat. Et ad hæc omnia tempus etiā monstrabūt si quidem inter initia morbi tenues & serenos humores euacuabis, ubi crassi & tenaces fuerint quales suapte natura pituita est, & atra bilis cōcoctionem expectabis. Humores itaq; tenues etiam quod quiescant & in membris firmati sint purgari posse videntur. Quod si dixerimus, quo itaq; modo ipsi Gale. non aduersabimur? qui in sententia supra adducta, ex 4. de ratione victus in morbis acutis præcipiebat, ut Hip. decretum obseruaremus: nempe priusquam impares confirmentur humores, eos purgantes. aut quando iam firmati sunt, postquam ad maturitatem peruenerint. Huic per ardua questioni (quæ multos in grauissimos errores pduxit,) id respondendum arbitror qd Gal. in dictis duabus sententijs, diuersas, ac fermè contrarias indicationes respexit: quarum quidem vnà, quæ videlicet ab humorum substantia capitur, nempe ab eorum tenuitate, quantum est ex se purgationem semp̄ indicat: altera verò quæ sumitur ab humorum quiete, & (ut ita dicam) ab eorum impactione & fixatione in mēbris, purgationem omnino prohibet: nisi prius concocti sint humores & à natura mīti. Ex his autem indicationibus

nibus priorem quidem, in libro eo. Quos quibus-
ue medicamentis, ac quo tēpore purgare liceat,
considerauit: nouissimam verò 4. de ratione vi-
ctus in morbis acutis Verū cum duo hac appo-
sita sint, contrariaq; indicent quodnam ex his,
praponemus? Certe si ea per se sola consideremus
non magis uni quā alteri inherēdum est. Sed
cetera respicienda. Nam si vnā cum humorum
quiete adsit eorū cruditas proculdubio duo hac
qua purgationem impediunt, humorum tenui-
tati sola, praualebunt: & tunc nullo modo pur-
gandum, sin autem tenuitati humorum, ipso-
rum concoctio aut motus coniungatur, tunc ad pur-
gationes accedere poterimus: cum plura purga-
tionem indicēt quā prohibeant. Diuersa itaq;
respiciens Galen. diuersa quoque varijs in libris
pronuntiauit: Quinimo eodem in libro, modo
dixit tennes humores nulla expectata cōcoctio-
ne purgandos: modo nisi turgeant humores, sem-
per expectandam concoctionem: neq; ipse prius
purgare bilem aggressus est quā corpus prepa-
rauerit, ut ex libro de facultatibus purgantiu
medicamentorum satis constat. Nunquid igitur
Galenus sibi ipsi contradicit? Minimè quidem.
Sed diuersas indicationes considerans varia
quoq; in diuersis locis pronuntiat. Quod Aui-

do purgemus expectari nō debet : sed partim cō-
coctioni studēdum, partim purgationi : ut pars
concocta educatur p̄ aluum , modo per eā viam
patientis membri situs, humores educendos esse
demonstret. Vnde ut exemplo res clarius mani-
festetur in iecoris inflammationibus, qua partē
cauam infestant, non omnium humorum qui in
parte affecta continentur expectanda esse conco-
ctio, anteq̃ aliquo modo eos purgemus, sed quan-
do eorum aliqua pars concocta fuerit, tunc leui
purgatione, qua facile cedentem & concoctam
humorum partem attrahat, crudam verò non
agitet, humores educi possunt. Hoc Galenus 13.
methodi medendi apertissimè nos docuit, dicēs.
Nam sicut locinoris cauū per aluū purga-
tur ut paulo superius diximus, sic gibba e-
ius per ea quę modicè vrinas mouent, cu-
ius generis est apiū: procedente verò tem-
pore vbi phlegmone iam concoquitur
valentioribus uti licet, a saro, & cæltica
nardo, & phu quod vocant, & petroselino
& smyrno, & meo, sicut etiam per vētrem
vacuare si cauum afficiatur cnico cibus ad-
mixto, & vrtica, & mercuriali, & epithy-
mo: & polypodio, omnibus præterea quæ
aluum modicè deiiciūt, magisq; in remis-

siue moueantur humores siue quiescant, siue tenues siue crassi sint, magna febre ac vehementissima agrotantem molestante, nunq̃ purgandum. Et propterea ut supra diximus Hip. 4. Apho. parte, precipit ut in morbis acutis, cum turgēt humores prima die, vel (ut Galenus ait saltem altera purgemus, priusquam febris vehementia augeatur, qua deinde purgationem impedit. Nam cum adest febris vehementia corpus purgationibus nullo modo tentare debemus, ob multas causas, & potissimum ppter eam quam in lib. de purgatorijs tetigit Hip. dū hac scribit: Quicunq; sanè validis febribus corripiūtur his vsque ad febris remissionem purgatoria medicamenta ne dato, sin id nolis saltem ne citra quartum decimum diem. Carnes enim ipsorum, & ventres medicamentū retrahunt. Et q̃ deinceps. Cum enim purgatoria medicamēta idcirco humores attrahant quia ipsis similia sunt (si Hip. & Gal. medicorū facillimè principibus fides abroganda non est) & ipsis calidiora (hac enim est ut Gale. 5. de simpliciu medicamentorū facultatibus nos docuit, eorū q̃ se attrahunt ratione similitudinis natura, ut semp calidus minus calidū ad se trahat), ppter ea cū in febribus magnis ac vehemē-

tibus humores valde calidi sint, oportebit pur-
 gans medicamentum calidissimum esse. Quod
 fuerit, magis membra & corpus totum calefiet q̃
 conueniat: atq; vehementius febris vltius au-
 cta, in graue discrimen agrotantem perducet.
 Sin autem purgatorij medicamenti caliditas ab
 humorum caliditate superetur tantum abest vt
 id humores trahere possit, vt contra potius ab
 humoribus scilicet trahatur, atq; ad membra ut
 dicebat Hip. ducatur. At si vñ aliud non ex-
 cesserit, sed in caliditate paria fuerint, nec hu-
 mores medicamentũ: neq; hoc illos ad se trahet:
 multa hoc modo agrotanti nocumenta accider̃t,
 quæ lōgum esset recensere, & à proposito nostro
 alienum. Ex quo clarissimè patet quāto opere ab-
 errent qui in magnis ac vehementibus febribus
 agrotantes purgationibus tentare nō verētur.
 Hac itaque cum sic se habeant vt ostensum est,
 non immerito subit mirari cur Auienn. 4. fen.
 1. canonis in febrium pestilentium initiis: (qua
 tamen vt ipsemet refert & ei Gale. 9. de simpli-
 cium medicamentorum facultatibus consentit
 interius vrunt & si exterius sapissimè placide
 videntur) purgationem quando alij humores à
 sanguine peccauerint. praecipiat: & potissimum
 cū eo tempore humores crudi sint, & sapè q̃esiē-

tes, & membris impaēti. Nisi fortasse dicere uelimus Auicennam purgationē præcipere reuulsionis gratia, ut uidelicet venenosa qualitas à nobilioribus membris retrahatur atq; ad ea ferri prohibeatur. Verum quoniam non ignobilis author Cornelius Celsus, cui Paulus quoq; Aeginetta Aetius. Rursus cateriq; probatiores medici consentire videntur, minimè utile esse cēsis in pestilenti febre aluū purgatorijs ducere, propterea satius existimarem Auicenna sententiā medicorum antiquorum sententijs accommodare à quibus omnia fermè transumpsit. Quod optimè fiet si eius dicta nō de purgatione, sed de euacuatione eorum qua in ventre continentur intelligamus. Nam & Celsus & alij pituitā in vētriculo existentem in febribus pestilentibus vomitū educi posse nō negāt. Quinimmo Celsus de pituita in stomacho retēta hac inquit: Si pituita in stomacho coit inclinata iā accessione vomere cogēdus est. De hac euacuationē opinor intelligendam esse Auicenna sententiā, non autem de ea qua purgatorijs medicamentis effici solet: & non de hac sola qua per vomitum fit, sed de illa etiam cuius meminit Hipp. quarto de ratiōe victus, in morbis acutis in febris ardētis curatione dum ait. Quod si amarū os fue-

Q V A R T A

rit vomere confert, & ventrem sublucere. Verùm si adhæc non aperiatur lacte asinæ cocto purgabis. *Non enim sola pituita in ventre collecta educenda est. sed etiã bilis si in eo contineatur: eo nempe modo quem illius sententia author nos docuit. Qui in extrahenda bile lacte asina usus est: non purgatorii medicamenti ob rationem quam Gal. eam sententiam exponens iis verbis nobis tradidit. Quod omnino quidem eam quæ in ventre est bilem euacuare præcipiat, timeat autẽ purgatoria medicamenta, q̃ & acria & prorsus calida sint, ob id ad lac asinæ diuertit: vt potè q̃ nullã vt non aliud vllum habeat acrimoniam, sed præ omnibus vnum humiditate exuperat, & ob id solum ventrem subit. Quo fit vt merito dicendum sit Hip. (si eius fuit illa sententia qua illo digna Gal. visa est) impropria purgationis nomen sumpsisse, pro ventris lenitione. De qua verisimile est ipsum quoq̃, Auicennam locutũ fuisse, & non de illa qua purgatorii medicamenti consuevit fieri vt grauissimi alioquin viri censent. Verùm Hip. dicta temere intelligenda non sunt (vt multi faciunt) sed ea adhibita distinctione quàm modus loquendi ipsius nobis indicat. Nam primo in ardentium febrium*
curatione


curatione clysteribus tentanda est eorum qua in ventre continentur eductio. Quod si clysteribus venter aperiatur (ut Hip. verbo utar) tunc ab iis desistendum qua per os intro sumpta aluum leniunt. Si verò id clysteribus non assequamur, lacte cocto ut consuevit Hipp. aut lactis sero ut Gal. vel cassia fistula uti nos solemus, venter leniendus est. Nam id Hip. adducta sententia, ac modus loquendi quo utitur satis aperte indicat. Ait enim. Quod si os amarum fuerit vomere confert & ventrem subluere. His contentus esset ille si venter aperiretur. At si non aperiatur venter (inquit) ex iis, lacte asina cocto purgabis. Quod fortè respexit Auicenn. 4. canonis in communi febrium putridarum curatione quando dixit, clysteriis usum praecateris lenientibus aluum, sibi placere, nobis significans, ut ab eo tanquam remedio maximè pficuo in febrium putridarum curatione cum aluum lenire intendimus, incipiamus. Quod si ad hoc, illud sufficiat, aliis certè corpus molestare non expedit. In qua re quāto opere deficiant medici quāplures unicuique videre licet: cum in febrium putridarum curatione etiā quod cōmodè venter clysteribus & solutionibus leniatur nihilominus cassiam agrotantibus semper propinant & ingerendam praebeant. Sed

Q V A R T A

borum errorem apertius in antiqua medicina
 Apologia nostra detegemus: idcirco hac dere-
 linquentes ad propositum reuertamur, ac cū Cel-
 so alijsq; planè bonus authoribus dicamus purga-
 toria medicamenta in pestilentium febrium ini-
 tiis nullo modo agrotantibus exhibenda. Verū
 de venenis quid dicemus? nunquid purgatorius
 medicamentis tentanda? cū cruda semper sint:
 nec aliquo modo multi ex his cōcoctionē admit-
 tant? Quid dicemus? illud profecto quod Gal. s.
 de simplicium medicamentorum facultatibus
 scripsit. Nempe venena purgatorius medicamen-
 tis ut purgatoria sunt, non egere sed altero ale-
 xipharmacorum genere. Et propterea alium mo-
 dum euacuationis habent; quā is sit quo Hip.
 in Aph praecepit, concocta medicamento tentan-
 da nō cruda neq; in principiis. Quod si quandoq;
 remediis quae ad venena scripserūt antiqui pur-
 gatoria mista reperiantur, ea (ut opinor) ipsis
 non tanquam purgatoria medicamenta sed tā-
 quam veneris aduersantia inciderunt. Ex his
 itaq; quae dicta sunt (ut disputationi nostrae tan-
 dem finem imponamus) clarissimè patere arbi-
 tror: quenam fuerit Hip. atq; Gale. de proposita
 quaestione sententia: ac quomodo difficultates q̄
 nostra atatis medicos perturbant, facillimè di-
 lui

lui possint. Nam optimi illi medicina parentes quando corpora agrotantium ad purgationes imparata videbāt, & potissimum, Si vehemens febris unā aderat, nunquam corpora in morborum principis nec in aliis ipsorum temporibus purgationibus tentabant. Quod si corporibus ad purgationem paratis occurrissent turgentes humores in principis morborū utique purgassent: similiter & fluentes & paratos fluere ad determinatum membrum fluxionis periculosa sistenda ac minoranda gratia. At quiescentes, ac membris impactos humores in morborum initiis optimi illi medici nunquam purgationibus tentarunt. Quae omnia ex variis eorum sententiis si in unum conferantur manifestissimè apparent. Hæc sunt optimi veritatis cultores quæ de proposita sententia post longum examen tandem assequi mihi cōcessum est. Quæ si vera sunt Deo Opt. Max. bonorum omnium donatori gratia reddantur, qui nobis veritatem demonstravit. Si verò à recta veritatis via ea aberrare vobis videantur, vos omnes rogo atque obsecro ut æquo animo illa castigetis: ut errorem meum cognoscens meipsum aliquando corrigam, & ad meliora perquirenda me accingam.

TRACTATVS
DE CÆNA ET PRANDIO.



VM ab antiquis medicis, & imprimis ab Hippocrate & Galeno apertissimè receptum sit cœnam prandio vberiore esse oportere, solidiorésq; in ea cibos esse capiendos, propterea medicorum quorundā audaciam non satis mirari queo, qui affirmare nō verentur, longè salubrius esse, maiorem ciborum partem atq; solidiorem in prandio sumere, minorē verò, eamq; concoctu faciliorem in cœna. Quæ tamen consuetudo ab optimis illis medicina parentibus (utpotè mortalibus valde nocua) semper detestata fuit. Verùm ne hac ex mea potius sententia, quàm ex rei veritate dicere videar, antiquorum decreta, quibus ea manifestissimè comprobari possunt: hic inserere decreui: ex quibus luce clarius fiet, cœnam iuxta eorum opinionem prandio vberiore esse oportere, atq; in ea solidiores cibos omnino esse capiendos. Sed prius quàm ad rem ipsam deuenio, præstâtissimorum alioquin medicorum sententiæ paucis refutanda est, qui arbitrantur cœna ac prandiij nomē aliud Hippol. ac Galen. significasse quàm nobis significet: ac negant prandium apud eos fuisse cibum
qui

qui mane assumeretur: cœnam uerò qui uespere.
Aduersus quos & si sexenta (ut ita dicam) Hip. & Gal. hanc adducere possum: unum tamen solummodo (ne in re planè manifestissima diutius quam paret morer) ex 2. de ratione victus in morbis acutis in medium afferam. Hip itaq; docens curare lésiones, quæ illis accidunt, qui præter consuetudinem prandent, hæc scribit. Conuenit autè his permutationem æqua virtute compensare. Dormire siquidem eos oportet, tanquam noctem à cœna hyeme quidem citra frigus, æstate uerò citra calorem agant. Quod si dormire nequeant, plures lente ambulando absoluant circuitus, neq; stent, nihil cœnent, aut pauca & innocua, minus præterea bibant, sed meracius, & non dilucius. Quam sententiã explicans Gal. tam apertè hos ostendit à recta ueritatis via alienos, ut de hoc nemo ulterius dubitare possit. Inquit enim. Maximè quidem is dormire eos plurimum iubet. Et si dormire nequeunt, plures lenta ambulatione absoluant circuitus: idq; ut quamplurimi expositorum aiunt post cœnam: sed ut eorū quæ dicuntur sensus præcipit post prandium. Nam oratio hæc tanquam noctem

TRACTATUS

agant de somno meridiano nō de noctur-
 no dici expostulat. Præterea quod conti-
 nuata scriptum est serie ubi inquit. Si ve-
 rò dormire nequeāt plures lente ambu-
 lando absoluant circuitus, neq; stent, ni-
 hil præterea cœnent vel pauca & innocua.
 Testatur Hip. velle eos à prandio dormire
 non à cœna. Duorum igitur alterum, aut
 emendanda est tanquā errati conicia scri-
 ptio atq; ita scribendum. Dormire liqui-
 dem eos oportet post prandium tāquam
 noctem agant, hyeme quidem citra fri-
 gus: æstate verò citra calorem, vel si serua-
 re volumus orationem hanc, à cœna, in-
 telligenda est, hoc pacto dictio, Dormire
 siquidem eos oportet ut à cœna ante dor-
 miebant, sic & nūc post prandium tanquā
 noctem agant. *Ex hac Hip. ac Gale sententia
 certissimum est. eos prandium vocasse cibum ma-
 ne: cœnam verò vesperti sumptum, sicut etiā nos
 soliti sumus ea appellare. At quia de nominibus
 laborare, (ut Gal. ait) est operam ludere, idcir-
 co, prædij ac cœna nomine omisso, illud ad exa-
 men reuocemus: nunquid ex priscorum medico-
 rum decretis uberius edere mane solidioresq; ci-
 bos capere, an vesperti conueniat. Quod quidem
 optimè*

optimè explicare poterimus, si prius aperiamus quomodo in animalium corporibus recta alimentidi dispensatio procedat. Ex hoc enim præposita questionis dissolutio ac rei veritas facillimè nobis manifestabitur. Omnibus itaque propemodum animalis partibus, ut tertio facultatum naturalium nos docuit Galenus, insitum quoddam est natura desiderium, ac veluti appetentia conuenientis sibi qualitatis, & quædam auersio ac veluti odium aliene. Illud quidem sequitur conuenientis rei attractio, hoc verò alienæ repulsio. Verum cum omne quod aliquid natura attrahit, id non frustra ad se trahat, sed usus alicuius gratia, idcirco animalium membra conuenientem sibi qualitatem attrahunt, ut ea fruantur. At id facere nequeunt nisi eam retineant. Facultatem itaque retinendi membra habere necessum est. Sed si expetunt, & trahunt, & retinendo ac undique cōstringendo fruuntur, esse utique debet etiā finis fruitionis. Porro is finis est, ut eius quod in qualitate cōuenit, atque consentit partem aliquā capiant, & in sui substantiam transmutent. Hac omnibus propemodum animalis partibus insunt. At præter ea ventriculo & maximè eius partibus quæ ad orificium pertinet, ut quarto de usu partium corporis humani Gal. asseris, peculiaris

TRACTATUS

quidam sensus indigentia & inanitionis ab ipsa natura datus est, quo ad cibum capiendum excitatur. Eo autem assumpto deinde ipsum completitur, ac undique cōstringit: idq; non alia sanè de causa quàm ut ullo fruatur, eiusq; partem in sui substantiam conuertat, Verum cum cibo non tanta cum ventriculo intercedat familiaritas, ut statim in eius substantiam conuerti possit, ob id & panis (exempli causa) & lactuca, & beta, & ceteri cibi prius alterari postulant, quàm eorum aliqua pars in ventriculi substantiâ transmutari queat. In eo igitur ciborū cōplexu innatus v̄triculi calor eos in minimas partes cōminuit, ipsisq; qualitatem quandam prebet, qua apti redduntur ut animal nutrire possint. Quo quidem ut Gal 3. facultatum naturalium testis est, verè ciborum concoctio appellatur. Ea actio ne perfectâ cibisq; concoctis, ventriculus partē sibi maximè conuenientem, & necessariam pro sui alimēto, paulatim & halitus specie attrahit eamq; in tunicis suis reponit: aliam verò tanquā onus ipsum grauans, abicit ac deorsum trudit. Quam intestina recipiunt, eaq; fruuntur & illius partem sibi ipsis apponunt. In transitu vero per ipsam magnâ alimentorum pars per vasa quæ ad ea pertinent, à iecore rapitur. Quæ attracta, id quoque

quoq; illa fruitur, ipsam ulterius alterat, & partem ei necessariam ut possit ali, omnibus suis particulis apponit. Interim ventriculus non vacat sed quod prius sibi apposuerat id agglutinat. Post appositionem enim necessaria est (ut primo facultatum naturalium sentit Gal.) quadam alimentorum agglutinatio. At postquam iecur (ut ad id reuertamur) partim sibi necessariam in particulis suis reposuit, quod reliquum est à se expellit. Id per mēbra distribuitur, quod ad se trahunt, in seipsis reponunt agglutinant, & in propriam substantiam transmutant. Verum dum membra alimentum attrahunt, ipsoq; fruuntur: iecur sibi prius appositum agglutinat, & ventriculus tunicis suis iam affixum in propriam substantiam conuertit. Omnem itaque (maioris perspicuitatis gratia) natura circa nutrimentum operam in tria tempora (ut Gal. precipit) cogitatione partiamur. Atq; in primo imaginemur cibum à ventriculo trahi, ab eoq; concoqui, tum ipsi ad saturitatem apponi, aliquid vero eius ad iecur etiam ascendere. In secundo verò, cogitemus eum ad intestina trāsire, & ad iecur trahi: ab illoq; etiam cōtineri, concoqui, & in eius particulis reponi. Hoc tempore, quo hac in iecore fiunt, in ventriculo pars illa alimenti quæ tuni-

TRACTATUS

cis eius prius apposita fuerat, ipsis egglutinatur, Duo hæc tempora tertium tempus excipit, quo, id quod à iecore recicitur per membra distribuitur, ab hisq; attrahitur, continetur & in singulis eorum partibus reponitur. Eo tempore, quod iecori appositum fuerat ipsi affigitur: quod verò ventriculo agglutinatum, in eius substantiam conuertitur. Et postea noui alimenti tempus aduenit, Quod si animal assumat, quo tempore id ventriculus recipit, continet, & quicquid utile ipsi, in tunicis suis reponit, eodem iecur partibus suis iam affixum, in propriam substantiam conuertit: cetera verò membra sibi appositū agglutinant. Quo autem tempore ventriculus nouum agglutinat alimentum, eodem iecur, illud attrahit cōtinet, & suis particulis apponit, alia verò membra ipsis prius affixum transmutāt. Et postremo quando ventriculus nouum quod ipsi prius affixum fuerat trāsmutat, tunc iecur sibi appositum agglutinat, & reliqua mēbra illud ad se trahunt, continent, & in se ipsis reponunt. Quo maximè tempore animalia exercitia re expedit, ut post exercitia commodè iterum cibos assumant. Hoc modo reēta alimenti dispensatio procedit. Quā si diligenti examine perpendamus illud proculdubio nobis constabit: quod
scilicet

scilicet si incolumen vitam degere velimus, id
 obseruare debemus, vt eam ciborum quantita-
 tem capiamus qua priusquam noui alimentitē-
 pus adueniat à ventriculo, & iecore concocta sit
 & p corpus digesta, ac in mēbris reposita. Quod
 eo tēpore accidit quo vētricus ciborū partem
 tunicis suis affixam transmutauit, ac vacuus
 purusq; remansit. Cū itaq; hæc sic se habeant (vt
 ad rem tandem deueniamus) cūq; inter cibū ma-
 tutinum & vespertinum tantum temporis in-
 terponi nequeat, vt ea natura opera qua dicta
 sunt, absoluantur: neq; ventriculus si is mane re-
 pletus fuerit, vacuus & purus vespertinum ci-
 bum recipiat: propterea cibos concoctū facilio-
 res, & paucos mane edere debemus: vt celerri-
 mē, tū in ventriculo, tū in iecore concoquantur:
 eorumq; excrementa citissimē descendāt: & va-
 cuus purusq; ventriculus eo tempore sit, quo ve-
 spertinos cibos ingerere volumus. Quos & plu-
 res & solidiores esse hac etiam ratione opus est,
 quòd scilicet inter eos & matutinum cibum lon-
 gius tempus interponitur, in quo possunt (etiam
 quòd vētricus tūc repleatur) omnes illa natu-
 ra actiōes perfici. Accedit ad hoc quòd cibos illos
 quies sequitur & somnus, qua ad bonā cōcoctio-
 nem in ventre & iecore potissimum, perficien-

TRACTATUS

dam, maximè conferunt. Quod respiciens Gal. 7. met. med. refectoriã victus rationẽ, is qui ualde extenuati sunt cõuenientẽ, docẽs, hac scribit.

Quippe quod in superioribus suauissimum, cum valentius alimentum uesp̄ri exhibẽdum censuimus, id semper obseruare studebimus: utiq; non leue percepturis commodum iis, qui ita cibantur. Et paulo inferius. Ergo tantam exhiberi primam cibationem est rationabile, quãta priusquam secunda sumatur tota prorsus erit concocta. Id contingere valentiori alimento nõ potest. Quare primo loco leue sumẽdum is est: quo uidelicet & concoquatur celerimè, & excrementum eius descendat, & vacuus purusq; ventriculus secundum excipiat. At quoniã nõ solũ quies & somnus sed etiam longius tempus huius naturalẽ administrationem excipit, ratio est ut ualentiores ciborum hoc maximè tempore offerantur. Itaq; etiam athletæ id faciunt, qui eum usum non solum ratione inueniunt, sed etiam lōga experientia comprobant. At non immerito quispiam fortasse quaeret. *Quam ob causam cibus uesp̄tinus quoniã cum sequitur quies & somnus uberior matuti-*

no esse debet? Quam ob causam? Nempe quia in quiete & somno meliores cōcoctiones fiūt quā in motu & vigiliis : ob id quando corpus moueri necessarium est, aut vigilare, minus viscera repleta esse expedit, cū verò quiescendū & dormiendum magis, quoniam optimè tunc in visceribus res concoquuntur. Nā eo tempore quo animalis facultas (facultatem animalem intelligo, qua est principiū sensus & motus secundum electionem) est in opere, naturalis altricq; imbecilliter operatur : & contra, ea scilicet quiescente hac maximè munere suo fungitur. Cum igitur in animalium quiete animalis facultas otietur, idcirco altricem eo tempore maxime operari dicendū est. Ergo & validissimè concoquere. Quo factum est ut Hip. quarto de ratione victus in morbis acutis (dum docet quomodo humores bene concoqui possint) praeceperit ut corpus quiescere permitamus. Quod Gal. explicās, hoc alimenterum quoq; concoctioni valde conferre, iis verbis nos docuit. Natura igitur assumptoin ventrē deuoratóque alimento, à cæteris quidem motionibus cessare debet, vt soli quod concoquendis cibis deputatum sit operi vacet. Magis ergo ventres repleri debēt quando corpus post assumptum cibum quiescere quam

quam quando moueri oportet: cū eo tempore naturalis facultas melius operetur & cōcoquat. Similiter quando animal dormit copiosiora alimenta in visceribus id continere opere pratum est, quā eo tempore quo vigilat. Cum enim calor innatus, in somno interiora petat in visceribusq; maximè augeatur: contra verò in vigilijs extra feratur, in extremisque partibus vigeat: quis quæso vnquam inficias eat in somno meliores concoctiones fieri quā in vigilijs. Quod cum sit: plurimo itaq; alimento in somno egent. Quæ ratione ipse quoq; Hip. motus, prima apho. parte hanc sententiam scripsit. Ventres hyeme & Vere natura callidissimi, & somni longissimi: quare per ea tempora alimenta copiosiora sunt exhibenda. Etenim tūc calor innatus plurimus est: vnde & pluribus egent alimentis. Indicio sunt ætates & athletæ. Si hac Hip. ratio verè ostendit, hyeme ventres copiosiora alimēta postulare, quā æstate: ea etiam demonstrabit ventres in somno pluribus alimentis egere, quā vigilijs. Nam vna ex causis, quas affert Hip. cur hyeme magis quā æstate ventres pluribus alimētis egent, est somnū longitudo. At si magis in vigilijs (ut isti opinantur) ventres replere melius est quā

in somno, profecto non quo tempore somni longissimi, copiosiora alimenta essent sumenda, sed contra potius, con tempe tempore quo vigilia somnos excedunt quæstatis tempore accidit Hip. itaque in præposito Aph. deceptionem eam commisit, sic quam Aristoteles i. Sophisticorum elenchorum, deceptionem non causa, ut causa appellare consuevit. Accedit ad hoc quod sententia illa, paucis mutatis, somno optime accommodari potest, idque de ipso demonstrare, quod ab Hip. de hyeme & vere ostensum est. Nam si loco dictionis (hyeme & vere) dictionem hanc (in somno) Aph. adaptemus, vera etiam eius sententia talis erit. Ventres in somno natura calidissimi. Quare per id tempus alimenta copiosiora sunt exhibenda. Est enim tunc calor innatus plurimus est: unde & pluribus eget alimentis. Indicio sunt æstates & athleta. Verum qui aliter quam nos sentiunt, nostram hanc sententiam ab Hip. Aphor. longè differre contendunt: nullamque esse convenientiã inter somnum & hyemem asseuerabunt, ut quæ ratione ab Hip. scriptum est, ventres hyeme plurimis alimentis egere, eadem, dicere valeamus idem ipsis in somno contingere. At boni viri quænam causam tradidit Hip. quæ hyeme ventres plurimis alimentis egere comprobetur? Nullam

TRACTATUS

certè aliam quàm hac: quia videlicet calor innatus interiora tunc petens, & in profundum secedens, calidiora viscera efficit, & propterea validus alimenta concoquere possunt, quàm astate: in quo calor innatus ad exteriora fertur, venterque frigidiores remanent. Sed nonne hoc idè in somno & vigilijs euenit? Nonne calor in somno interiora, in vigilijs verò exteriora petit? Hoc tamen apertè ab Hip. 6. de vulgaribus morbis parte 4. concessum est, ut nihil clarius dici aut excogitari possit. Evidenter (enim ait) vigilans calidior exterius: interius autem frigidior dormiens contrario, calidior videlicet interius: exterius verò frigidior: cui experiètia quoque attestari videtur. Nam ut eam sententiam exponens Gal. inquit. Dormientes tum pluribus stragulis, vestibus, & capitis egent tegumento, si frigidus ut hyberno tempore quo circumfunditur aer sit. Atqui interdum vigilantes hæc non requirunt. Quinetiam maior inspiratio plus caloris in penesralibus corporis collectum esset testatur. Sicut itaque innatus calor hyeme ad interiora vergit, astate verò ad exteriora, ita in somno interiora petit, exteriora verò in vigilijs. Quamobrè in somno pariter & hyeme ventres calidiores esse, astate verò & in vigilijs

gilys frigidiores necessum est. Quemadmodum ergo imbecillior est concoctio æstate q̃ hyeme, & propterea tunc ventres minus replere expedit, ita & in vigilỹs ventres imbecillius concoquere dicendum est, quàm in somno. Quo fit ut eo tempore minus etiam repleri debeant q̃ eo, quo somnus iam instat. Quod idem quoq; Gal 4 parte sexti de vulgaribus morbis ubi sententiam Hip. dicens. Aqua edax vigilia edax, exponit nos docuit hunc in modum scribens. De hac etenim olim sicut & de somno notitiã habuistis. Concoquit planè somnus ut potè calido tunc interiora petente: dissipat vigilia insito calido dum exterius emicat sc̃cũ haud exiguas corporeæ substantiæ particulas educente. Igitur propterea aqua & vigilia edaces dictæ sunt. Hoc idem s. eiusdem lib. parte nobis indicauit, hac dicens. Num igitur satius fortasse est hoc modo legere (labor articulis & carnibus) deinde ab alio principio (cibus & somnus visceribus) ut oratio eiusmodi sit. Exercitatio quidem articulis & carnibus vtilitatem præbet, cibus verò & somnus visceribus. Naturali enim calido in profundum vergente ut ipse tradidit & elcarum concoctiones meliores

fiunt: & tunc viscera nutriuntur. At in vigilia naturali calore ad cutem profuso viscera se ipsis frigidiora euadunt, & quæ ipsis in somnis inerant hæc extremis omnibusq; extrinsecis membris in vigilia. *Quid clarius dici, aut excogitari potest? Igitur somno cum hyeme conuenit q̄ in utrisq; calor innatus interiora petens, calidiora viscera reddit, & validiora ad concoctiones perficiendas: contra verò æstate & in vigilijs. At id causa est, ut hyeme validiora alimenta sumere debeamus, uberiorq; edere q̄ æstate, ut Hip. dicebat: hac itaque causa quoq; iure optimo dici debet, ut cibos uberior vesperi capiamus, ventresq; magis repleamus, accedente somno, q̄ mane instantibus vigilijs. Hanc somni ad hyemem proportionem 6. de vulgaribus morbis parte quarta nobis declarat Gal. in iam adducta sententia expositione, qualis erat. Euidenter vigilans calidior exterius, interius autem frigidior, & contra, dum inquit. Et concoctiones in dormientibus efficacius quàm in vigilantibus fieri non solùm in ventriculo comestorum ciborum, verùm etiam humorum in Iecore & venis corporis, abditas sedes in dormientibus calidiores effici signum est: cū*
à nobis

à nobis concessum & supra ostensum sit, omnium in corpore concoctionum ingenitum calorem præcipuum esse opificem. *Ita sanè & in libris Aph. memoria prodidit de ætatibus, tēporibus, exercitationibusq; ubi habet.* Ventres hyeme & vere natura calidissimi sunt & somni longissimi. His igitur temporibus plura alimenta danda sunt: siquidem insitus calor multus: pluri ergo indiget esca. Iudicio sunt ætates & athletæ. *In hisce quidem verbis breuiter de ætatibus locutus est: in altero Aphor. latius atq; ideo clarius, ita inquit.* Crescentia corpora plurimum habent insiti calidi, plurimum igitur requirunt alimentum. Sin minus corpus digeritur, senibus verò exiguus calor inest, idcirco paucis fomentis egent. Secū dum ætates quidem haud intro forasque ingenito calore migrante, sed temporis progressu senilis ætas omnium frigidissima efficitur. At hyeme calore ad penitiora se condente, ventriculus quidem, & reliqua viscera calidiora, subcutaneæ verò partes frigidiores redduntur. *Et qua deinceps. Ex quibus mehercle verbis unicuique in promptu est videre quod hyemi proportionē hac*

TRACTATUS

respondēt corpora nempe quæ crescunt, quæ exercitātur & somnus. Nam sicut in hyeme quia calor innatus plurimus est, propterea plurimo alimento viscera egent, ita & corpora quæ crescunt, & quæ exercitantur ob innati caloris abundantiam plurimum postulant alimentum. At si hæc ita se habent id longè magis de somno dicendum, qui hyeme maximè assimilatur: cum in eo quemadmodum etiam in hyeme calor ad interiora secedat, & propterea viscera calidiora reddantur. Quod de ataribus & athletis dicendum non est, ut præposita Gal. sententia, satis aperte indicat. Verùm (ut intelligo) ex oppositæ partis fautoribus quâplures sunt, qui & si his & similibus rationibus manus præbent: & fatentur vel inuiti salubrius esse cum animal incolume degit, vesperi copiosiora ipsi alimenta præbere quàm manè. per hortitamen posticum (ut aiunt) subterfugere conantur: dicentes hoc in ijs qui à grauedine & catarrho tenentur minimè verū esse. Quod quidem satis apparenter ratione (falsatamen) ostendere nituntur. Atq; imprimis (inquiunt) cum grauedines & catarrhi nocte maximè vigeant, idcirco eorum qui ab eiusmodi morbis molestātur modicum esse debet cibus vespertinus, quem nox sequitur. Accedit ad hoc

quod

quod in somno maximè vapores ad caput deferuntur, ex quibus grauedines & catarrhi magnopere generantur: vesperi itaq; moderatè ventres replere expedit ne vaporum tanta copia ad caput ascendat, quanta à multitudine ciborum eleuari solet. At si matutinus cibus vberior sumatur, grauedine & catarrho laborantibus nihil aut parum incommodi hoc afferet, cū illum sequatur vigilæ: in quibus morbi illi, minus infensi sunt: ac pauciores vapores caput petunt q̃ in somno. Sed (eorum pace dictum sit) ab ipsa veritate sunt alienissimi. Nam primo cum hyemæ pituita catarrhi & grauedines maximè vigeant, cur itaq; Hip. (ne à proposito Apho. recedamus) precipit ut eo tempore magis q̃ æstæ ventres repleantur? Huius quæstioni si aliquam adducās huius solutionem eadem & nos ipsorum obiecti diluemus. At quam aliam meliorem afferre poterunt, illa quam Gal. I. de natura humana nobis tradidit? Eā itaq; in mediū adducamus ṽ q̃ tū hi ab eius mente deficiant clarissimè pateat. Gal. igitur quandā sententiā Hip. explicans hæc est. Ineunte hyemæ bilis: quia iam refrigerat decreuit, & pituita de integro augeatur tū à frequentibus pluuijs, tum ab noctium longitudine. Querit quomodo pituita, qua

frigida & humida est, non temperata veluti sanguis, dicatur in hyeme augeri: cū ea sententia in Aph. scripta sit. Ventres hyeme & vere natura calidissimi & somni longissimi. His igitur temporibus alimenta copiosiora sunt exhibenda. Etenim calor innatus multus est: nutrimentum ergo plenius requirit indicio sunt ætates & athletæ. Et rursus alia quæ ait. Aestate & autunno cibos difficillimè ferunt: hyeme verò facillime, medium locū ver habet. *Si alimentū melius hyeme q̄ alijs tēporibus concoquitur quoniam vētres calidiores: cōuenire itaq; videtur ut sanguis potius q̄ pituita augeatur: aut si hac magis eo tpe crescit, minor utiq; ciborū copia tūc esset sumēda. Quo igitur modo scrupulus hic explicabitur? Huic q̄stioni satisfaciēs Gal. hac ait.* Dicam quod sentio. Sunt quidem calidissimi hyeme naturali calore vētriculi, hoc est, tempatisissimi, sed corporis partes è diuerso refrigerātur hyeme ipseq; adeò venter quibusdam, aut exitinere, aut ob vestium inopiā, aut eiusmodi quippiam. Omnis igitur ambientis aëris frigiditas in corpus penitissime se insinuat: quibusdā verò ad ventris vsque regionem penetrat,

vt dictum est. Itaq; vt perfecti rectè sint in
ventriculo sumpti cibi, in lecore certe dū
mutantur nō absolutam assequuntur san-
guificationis (vt sic dicam) cultum. Sed ali-
qua in eo offensa existit. Quo minusto-
tius corporis venę mutāt illos refrigeratę.
Huc accedit ciborum multitudo qui hye-
me sumantur: quibus qualitates quoque
sunt pituitosiores. *Et qua deinceps.* Ex qui-
bus proculdubio constat hyeme pituitam potius
augeri in extimis corporis partibus q̃ intimis:
& ex indebito potius regimine in 6. rebus, quas
nō naturales appellant q̃ temporis ratione, quo
profecto tempore vt 1. Aph. parte dicit Gale. &
cōcoctiones & sanguificationes, & nutritiones
meliores fiunt q̃ alijs temporibus. At cū nox (vt
ad propositum redeamus) hyeme proportionē re-
spondeat eodē Gal. 1. in 6. de vulg morbis cōmen-
tario testāte: propterea pituita catarrhi graue-
dines & similia non noctis ratione augebuntur:
sed eadē qua Gal. dicebat hac hyeme maximē fie-
ri, nēpe ob vestiū inopiā, qbus occurrere vehemē-
ti aëris frigiditatē nequimus: ne exteriores partes
valdē refrigeret: aut ob pituitosi vaporisq̃, ali-
cuius cibi esum aut vita genus aut eiusmodi q̃p-
piam. At si aëris ambientis vehemētis frigidita-

TRACTATUS

ei occurramus, cibosq; edamus qui nullo modo
 aut parum sint (ut sic dicam) vaporosi, & eorū
 esum (moderata interposita vigilia) sequatur
 somnus: quātunc ratione magis nocte quā die
 grauedines & catarrhi generabūtur? Quia (in-
 quiunt ij) ex maiori ciborum quantitate vespē-
 ri sumpta, maior quoq; vaporum copia ad caput
 feretur in somno. quā si in vigilijs eadem sum-
 pta fuerit. Sed si hoc ipsis non admiserimus qua-
 nam ratione id unquam probabunt? certe nulla
 cū ei rei nulla probabilis ratio afferre possit.
 Nam cū in somno optimè concoctiones proce-
 dant: in vigilijs verò imperfectiores sint ut su-
 pra ostensum est: ob id si aequaliter, ne dicā magis
 ventres in vigilijs & in somno repleantur, eaq;
 in ipsis continebuntur dum animal vigilabit,
 imperfectè concoquantur & cruda remanebūt.
 Ex cruditatibus verò maximè caput repleti: &
 ijs quidem vaporibus ex quibus facillimè catar-
 rhi & grauedines generantur, quis dubitare po-
 test? cum ab omnibus planè bonis medicinae an-
 thoribus id apertissimè concessum sit? Accedit ad
 hoc quod vapores si qui ad caput ferātur in som-
 no, melius ab eius virtute naturali concoqui po-
 terunt. quā illi qui in vigilijs illud petent. Nā
 ut dictum est, quiescente virtute animali, na-
 turalis

ruralis melius operari suoq; munere fungi potest quàm eo tempore quo illa est in opere. Quinimmo ut primo de symptomatum causis declarat Gal. convenire videtur, ut post vigilas cerebrū moderata humiditate ciborum repleatur. Nā id in multo negotio fatigatum, & siccatum ea procul dubio indiget. Cū verò animal vigilare oportet ea non opus est humiditate. Propterea modica ciborum quātitas tunc sumi debet: ne illa humiditate cerebrum repleatur quando minimè expedit, eoq; tēpore quo naturalis facultas ab animalis opere impedita, imbecillimè operari, ac cōcoquere potest. Quo fit ut cruda in cerebro remanens, tādē accedente aëre noctis frigido, in catarrhū & grauedinem cōvertatur. Quod multis imponit, credētibus ob noturnū cibū ea provenire. Maior itaq; ciborū copia in animalibus etiā qua à catarrho & grauedine affliguntur, vesperi cōvenit quàm mane. Cauendum tamen est, ne eorum ventres immodicè vesperi quoque repleamus, eosq; cibos ipsis exhibeamus, q̄ ex sui natura caput tentant: quibus & catarrhi & grauedines, & cateri capitis morbi plurimum augeri solent: non autem à maiore ciborū copia vesperi magis quàm mane sumpta, modo illa nō immoderata sit. Nā siue mane, siue vesperi nimis

TRACTATUS.

ventres repleamus, his pfecto maximè officiet qui dictis morbis laborant. Ex hoc enim caput nimium repleti certissimum est. Quod respiciens Gal. in documēto p pueri morbo comitiali laborante immodicas ventris repletiones vetuit, maiorem tamen ciborum partē solidioremq; in cœna exhibendā precipit. Ait enim. Post hæc aut ad prandium eat & prius quippiā ex his q ventrem molliunt assumat, vel holus, vel salamentum, vel ptisanā, vel oliuas, cum tertia panis parte: reliquas verò duas in cœnæ tēpus seponat, cū valentioribus obsonijs. Si in hoc morbo, in quo nō minus q in grauedine & catarrho timende sunt euaporationes ad caput (quas isti nocte & in somno fieri dicūt) Gal. ubertorem cœnā prædico præcipit, cur itaq; nos hoc in catarrho & grauedine verebimur? Cur in ijs morbis minorem ciborum copiam vesperi exhibebimus q mane? Certè nimia ventris repletio & mane & vesperi fugienda est, ut concoctiones rectius præcedant, minor tamē ciborum quantitas, & cōcoctu faciliior mane sumenda, ut Gal. dicebat. Hæc itaq; cū sic se habeāt iure optimo Auicēna sententia 1 sen. 3. canonis est castiganda: q in epilepsia curatione ab eo scripta est. Et ille (inquit) cuius cōsuetudo nō tollerāt ut semel refi-

reficiatur diuidat cibum suum q̄ sit minus
 saturitate in tres partes. Hucusq; fortasse sen-
 tentia Auicenna rectè se habet, & Gal. decretis
 consentit. Sed q̄ sequitur Gal. penitus aduersa-
 tur: ait enim. Etumat duas tertiās in pran-
 dio, & tertiā eius in cœna. Mirū p̄fecto esset
 Auicen. tam apertè à Gal. dissentire absq; eo q̄ il-
 lius nullo modo meminere à quo totā eā senten-
 tiam transumpsisse videtur. Meo itaq; piculo iu-
 rarē, aut Auicen. malè illa verba ex eo documē-
 to transtulisse, aut prauè ab ijs q̄ Auicen. latini-
 tate donarūt fuisse interpretata. Verū quomo-
 docunq; res se habeat à medicorū principe Gal.
 (ut ipsiusmet Auicen. verbis utar) ipsaq; veri-
 tate recedere nō debemus: sed id tanq̄ verissimū
 affirmare, longè videlicet salubrius esse, vesperi
 plura ac validiora alimēta sumere q̄ manè. Q̄
 cū ita sit, tū etiā amplitudinem hortarer ut cō-
 suetudine illa) q̄ ei summopere officit) derelicta
 meliorem cōplectatur. Id tamen illico faciendū
 & repentè nō existimo, sed paulatim. Repentina
 enim cōsuetudinū mutationes, semp̄ prauè sunt.
 Quod Deus Op. Max. nobis cōcedere dignetur.

F I N I S.



Handwritten text in a cursive script, likely from a 17th or 18th-century manuscript. The text is arranged in approximately 20 lines, though it is extremely faded and difficult to decipher. It appears to be a formal letter or a legal document, given the structured nature of the writing.

Attest

Red wax seal or stamp, partially visible on the left edge of the page.